





原件短缺

卷一~二

宋史全文續資治通鑑卷之十二

宋神宗二

熙寧五年春二月癸亥太白晝見○丙寅知渭州蔡挺為樞密

副使○富弼屢請老茂中復授司空同平章事武寧節度使致仕進

封韓國公○三月丙午詔曰天下商旅物貨至京多為兼并之家所

困宜出內藏庫錢帛選官於京師置市易務遇有客人物貨出賣不

行許至務中平亭五

官錢買之如願折填

相度立一限或兩

息二分

石大深猶可也何者石之始學在此而始謀出此也市易免

政將誰欺乎

群牧使李肅之知求與軍上

平助役擾州縣耳上不怡

內藏庫錢一百萬緡



請

李肅
之法



綏撫一路肅之曰自是朝廷以常
問提舉在京市易務仍
月先是三司起請市易

王安石

十三條其一云兼井之家

法令市易務覺察申三

司按置以法御批減去此條餘皆可之
寬仁愛民之至王安石曰孝孫
是聖政之闕上曰若但設法相傾即
敢明立法令但設法相傾即

臣竊謂神考之意劉孝孫將順聖美以御批為是不以孝孫兼并不能為害天
欲於律外立較因之條可謂仁厚愛民
下為過也日錄之內但為顯揚嘉問故不
而然於是造神考之言曰若設法相傾
之言曰若不能明立法令但設法相傾
即是紙鋪孫家所謂紙鋪孫家為是百姓制百姓不得故止如此
豈有為天下主乃只紙鋪孫家所為何以謂之入主焉乎設法
相傾之語謂之不誠可乎紙鋪孫家之語謂之不誠可乎神考愛
民守法而神考為國政王嘉問
遂至於侮薄君父不亦悖乎

置

○五月辛巳詔以古田寨為安軍古渭唐渭州也自至德中陷于吐
蕃至皇祐中始得其地因建為寨上將恢復少龍故命建軍為開拓
之漸辛卯王安石以王韶書進呈韶言已拓地千二百里招附三十
餘萬口上又論人有才不可置之閑處因言漢武亦能用人才王安
石曰武帝所見下故所用將帥即止積霍輩至天下戶口減半然亦

神宗 熙寧五年

置

不能減匈奴上曰武帝自為多欲耳安石曰欲亦不能害政如齊桓
公亦多欲矣而注厝方略不失為霸於天下能用人才故也上曰漢武
至不仁以一馬之欲勞師萬里侯者七十餘人視人命若草芥所以
戶口減半也人命至重天地之大德曰生豈可如此○是日王安石
留身乞東南一郡上其怪安石如此曰朕所以用卿亦豈有他天生
聰明所以以民相與盡其道以以民而已非以為功名也朕頑鄙初
未有知自卿在翰衣殆得聞道德之說心稍開悟卿朕師臣也斷不
許出外

更首

熙寧之初神考以安石為賢自鄧綰黜逐以後不以安石為賢矣安石返而語者曰
言曰卿朕師臣也又曰臣之義重於朋友朕既與卿為君臣宜
為朕少屈此等不遜之口託於聖訓前後不一又謂臣惠卿亦師
臣也又謂如常秩者亦當屈已師之神考嘗謂常秩不識去就安
石親聞此訓重早日錄豈有不識去就之人而可以為聖注師乎
六月癸亥知制誥王益柔兼判禮部貢院試法分四場除第三第四
場策論如舊第一場試本經二道第二場論語孟子各二道試官
每一人試卷各分一場考於考畢眾官定高下去留○已巳王安石
石請解機務上曰卿無心第朕知制誥知卿屬以天下

安石

領都承旨郭逢原附安石

事如呂誨比鄉少正外廬莊壯不
 為人所疑若任事久疑似之迹名而諛誣之
 未敢保陛下無疑也上曰呂公著與卿交遊至相善然言卿屢矣卿
 之所存雖朋友未必知至於眾人見朕與卿相知如此亦皆不知其
 所以君臣之義固重於朋友若朋友與卿要約勤勤如此卿亦宜為
 之少屈朕既與卿為君臣之義得不為朕少屈甲戌王安石見上曰陛
 下不許臣去臣不敢固違上首然臣實病若更黽勉半年不可彊即
 須至再煩聖聽上曰卿許朕職甚善如何却半年後又乞出且勿
 如此○樞密院言仁宗時嘗建武學乞復之詔於武成王廟置武學
 選文武官知其者為教授○秋七月壬午詔以權貨務為市易西務
 下界市易務為東務上更辛卯詔在京商稅院雜賣場雜買務並隸
 提舉市易務○曾孝寬為史館修撰兼樞密都承旨舊用武臣以文
 臣兼領自孝寬始也○編修三司勅條例刪定官郭逢原上疏陛下
 固以師臣待安石矣而使之自五鼓趨朝僕僕然北面而亟拜尚守
 君臣之常分臣之所未諭也又曰宰相伐天理物無所不統臣愚以
 謂當發去樞府併歸中書合文武於一道歸將相於一職復兵農於

神宗 熙寧五年

樞密院 定武 奉 內侍 子法

安石 崇 災

一民此堯舜之舉也今王安石居宰相之重朝廷有所建議特牽於
 樞府而不預則臣恐陛下任安石者蓋不專矣疏奏上甚不悅他日
 謂安石曰逢原必輕俊安石曰陛下何以知之上一曰見所上書欲併
 樞密院安石曰人才難得如逢原亦且曉事可試用也○庚戌遣章
 惇察訪荆湖北路農田水利常平等事○壬子詔武學生員以百人
 為額遇科場前一年委樞密院降宣命武臣路分都監及文臣轉運
 判官以上各奏舉堪應武舉者一人其被舉人遇生員闕願入學者
 聽○詔入內供奉官以下已有養子更養次子為私身內侍者當行
 處斬不在自首之限○閏六月御史張商英言判刑部王庭筠立法
 應蝗蝻為害須捕盡乃得為奏今大名府祁保那莫州順安保定軍
 所奏凡四十九狀而三十九狀除捕未盡進奏院以不應法不敢通
 奏且蝗蝻幾遍河朔而御史何文封還奏牘姑俟其撲除盡靜方許
 以聞則陛下欲於此時恐懼修刑以上蒼天戒而下郵民隱亦晚矣
 御批令進奏院遍指揮諸路轉運安撫司并轄下州府軍監縣令後
 應有災傷並仰所在書時聞奏王安石曰條貫已令本州提點刑獄
 轉運司申奏安撫司自下頁卷一

下關六七紙奏狀如此

勞弊精神翻故紙只如經略安撫
奏災傷狀作甚上笑
尙以合經制事却須要管勾

○司馬光言安石有三不足之說由今觀之實有四不足之說然神宗之於安石真以衆論爲流俗以舊制爲弊法以人怨爲常情皆勉強從之而天變災數之論安石竟不能感蓋聖性嚴恭根本於天性而源流於祖宗如長江大濤雖萬折必東也安石知上之不可惑故令州縣不得奏災傷以蔽聰明而早曠彗星又不可掩故七年之旱安石以常數對而上不之信此安石常數之論不敢發也遂托言交趾以解之雖不明言天命不足畏而微意可觀矣自紹聖至政宣奸臣設國之論盡出於安石而天命不足畏之說流禍尤酷災異不言而祥瑞輒書甚者膺月之雷指爲瑞雷三月之雪指爲瑞雪其視天亦若童稚之可侮痛哉

○先是內批付王安石聞市易買賣極奇細市人籍籍然謗以爲官司浸淫盡收天下之貨自作經營可指揮令只依魏繼宗元肇畫施行於是王安石留身白上曰必有事實乞宣示上曰聞推貨賣冰致民賣雪都不售又聞買梳朴即梳朴貴買脂麻即脂麻貴又聞立賞錢提人不來市易司買賣安石曰果有此事則是臣欲以聚斂誤陛下陛下當知臣素行若臣不如比即無緣有此事上曰卿固不如此但恐所使令未體朝廷意更須審察安石曰此事皆有迹容臣根究

神宗 熙寧五年

安石不恤民怨

越汴復知成都

歐陽脩卒

勘會別具聞奏上曰如河決壞民產民不之怨若人壞之則怨矣安石曰陛下正當爲天之所爲所詭天之所爲者如河決是也天地之大德曰生然河決以壞民產而天不恤者任理而無情故也故郊寒暑雨人以爲怨而天不爲之變孔子曰唯天爲大惟堯則之堯使縣治水縣汨陳其五行九載以陛下憂郵百姓之心宜其寢食不甘而堯能待如此之久此乃能爲天之所爲也○甲戌資政殿學士趙抃爲資政殿大學士知成都府或言前執政舊不差知成都上曰今人少欲去但爲職田不多耳抃清苦必不爲職田蜀人素愛抃抃必肯去召見勞之曰前此無自政府復知成都者卿能爲朕行乎抃曰陛下宣言即勅命也顧豈有例上其悅○八月頴州言觀文殿學士致仕歐陽脩卒太常初謚曰文常秩曰脩有定策之功請加以忠乃謚文忠脩喜薦士一時名賢卿士出脩門下者甚衆而薦秩與連庶尤力秩晚仕于朝君子非之脩自以爲失庶終不出脩自以爲得也○已亥詔以京西路分南北兩路襄鄧隨房金均郢唐八州爲南路西京許孟陳汝蔡穎七州信陽軍爲北路○長太子中允同知諫院唐炯爲潮州別駕炯初以王安石重見用爲諫官數論事不聽

田法

頌均

張商

遂因百官起居越劫抑陛請對上之坳空請上殿讀疏論王安石
 石用人變法非是上怒其詭激故貶坳疏留中其略云安石用曾布
 為腹心張璠李定為爪牙劉孝孫張商英為鷹犬元絳陳瓘為駟役
 保甲以農為兵凶年必致怨叛免役損下補上人人怨咨又置市易
 司卻人有致餓死者以安石比李林甫盧杞又言王珪奴事安石安
 石曰坳素狂不足深責乃改授大理評事監廣州軍資庫○是月詔
 司農以方田均稅條約并式頒之天下方田之法以東西南北各十
 步當四十一頃六十六畝一百六十步為一方分地計量據其方莊
 帳籍驗地土色分為五等均定稅數均稅法以縣祖額稅數母以舊
 收錢數均攤於元額外輒增數者禁之凡田方之角有墾植以野
 之所宜木方帳有莊帳有甲帖有戶帖有分煙析生典賣割移官
 給契縣置簿皆以今所方之田為正先自京東路行之諸路倣焉○
 九月丁未御史張商英言近日典掌誥命多不得其人如陳繹王益
 柔許將皆今之所謂辭臣也然繹之文如欵段逐驥筋力雖勞而李
 成步驟益柔之文如野嫗織機雖能成幅而終非錦繡將之文如啞
 子吹埤終日音鳴而不合律呂此三人者恐不足以發揮帝猷

神宗 熙寧五年

趙高 活地 招 之 少 山 地 安石 非守 財之 說

四海乞請擇名臣俾司詔命不報○丁卯詔以淮南路分東西兩路
 揚毫宿楚秦泗滁真通十州為東路壽廬蘄和舒濠光黃八州無為
 軍為西路○壬申權發遣延州趙高為吏部員外郎賜銀絹二百疋
 兩以高奏根括地萬五千九百一十四頃招漢蕃弓箭手四千九百
 八十四人騎團作八指揮故也○冬十月戊寅知華州呂大防言九
 月丙寅少華山前阜山谷山嶺摧陷其下平地東西五里南北十里
 潰散墳裂涌起堆阜各高數丈長若隄岸至陷居民六社凡數百戶
 林木廬舍亦無存者詔賜陷沒之家錢有差○十二月上曰本朝祖
 宗皆愛惜天物不肯橫費漢文帝曰朕為天下守財耳安石曰人主
 若能以堯舜之政澤天下之民雖竭天下之力以奉乘輿不為過當
 守財之言非天下正理然安於儉節自是盛德足以率勸風俗此臣
 所以不敢不體聖心也○是歲河北大蝗

熙寧六年春正月辛亥詔奉僖祖為太廟始祖遷順祖神主藏
 文室孟夏祀感生帝以僖祖配始從王安石之議也○樞密使文彥
 博言臣近言市易司違官監買賣實有傷國體凡衣冠之家罔利於
 市縉紳清議尚所不容豈有堂堂一 皇真求利而不為物議所非

者乎○先是王安石以病請告歸旬乃求解機務且入對上面
還其言安石固求罷上不許既而上又召安石子雱再三問雱又令
馮京王珪諭旨於是安石復入視事上謂安石曰雱說卿意似不專
為病朕亦為雱說必為在位又度朕終不足與有為故欲去耳安石
曰陛下至仁聖臣豈有他但後世風俗皆以勢利事君臣又冒權位
不知避賢即無以異勢利之人況又病必恐有曠敗致累陛下知人
之明所以力求罷也○三月丁未熙河路經略司言二月丙申克復
河州○命知制誥呂惠卿兼修撰國子監經義太子中允崇政殿說
書王雱兼同修撰先是上諭執政曰今歲南省所取多名舉人士
皆趣義理之學極為美事王安石曰民未知義則未可用況士大夫
乎○丙辰司天監言四月朔日當食九分○詔諸路學官並委中書
選官勅官選人或舉充又詔諸路擇舉人最多州軍依五路法各
置教授一員○壬戌御集英殿賜正奏名進士明經諸科余中以下
及第出身同出身同學究出身總五百九十六人賜新及第進士錢
三千緡諸科七百緡為期集費○癸亥上謂王安石曰宿衛親事官
有擊指揮使傷首者而主名未立宿衛法不可不急變革安石曰

神宗 熙寧六年

固嘗論此此固易變但要措置若○方○戊辰置諸路提點刑獄司檢
法官各一員從呂惠卿請也○夏四月以期集院為律學養生員管
教授四員○戊寅新知桂州沈起乞自今本路有邊事止申經略司
專委處置及具以聞從之安石私記又云上令起密經制交趾事諸
公皆不與聞凡所奏請皆報聽○乙酉熙河路經略司上河州得功
將卒王安石曰上士氣自此益振上曰古人謂舉事則才自練此言
是也安石曰舉事則才者出不才者困此不才者所以不樂舉事也
○中太一宮成○六月丁丑提舉在京市易務奏二班借職張吉甫
為上界勾當公事吉甫辭以見為李璋指使方在降謫一日捨去義
所不安上歎曰十室之邑必有忠信吉甫雖小人陳義甚高賢於李
清臣遠矣可遂其志初韓絳宣撫清臣從辟會絳無成功被貶清臣
規自全多毀絳故上薄之○辛巳提舉司天監陳繹等言本監測驗
薄氣朔差互而崇天曆氣後天明天曆朔後天其失皆置元不當未
可考正浮漏渾儀亦各有奸矣詔滿朴別造曆與舊曆比較疎密其
浮漏渾儀令依新樣裝造天監別測驗以聞○己亥置軍器監總內
外軍器之政軍器監總於三司曹某云真是始案唐令置監而廢曹案

須養馬法

不立春秋官

焉○秋七月乙巳詔京西淮南兩州江西荆湖六路各置一鑄錢監
 江南荆湖南路以十五萬緡餘以十萬緡為額○八月翰林學士曾
 布等言今修成義勇保甲及養馬條三卷詔兵部行之養馬法凡五
 路義保願養馬者戶一匹有物力養馬者戶二匹聽以監牧見馬給
 之或官與其直使自市毋或強予府界毋過三千匹五路毋過五千
 匹在府界者歲免體量草二百五十束先給以錢布在五路者歲免
 折變緣納錢三等以上十戶為一保四等十戶為一社以待死病補
 償者保甲馬即馬主獨償之社戶馬半使社人償之歲一閱其瘠肥
 禁苛留者凡十有四條先自府界頒行焉在五路者要監司經略司
 州縣更度○祕閣考試所言應制科陳彥古所試六論不識題及字
 數皆不足自是制科亦罷矣○九月辛亥御崇政殿試武舉進士○
 冬十月辛未駙馬都尉馬敷禮乞立春秋學官不許上謂王安石曰
 卿嘗以春秋自曾史亡其義不可考故未置學官敷禮好學不倦第
 未知此意耳敷禮但讀春秋而不讀傳春秋未易可通馮京等曰漢
 儒初治公羊後乃治穀梁左氏最後出上曰漢儒亦少有識見者○
 戊寅三班奉職申翊為右班殿直閣門祗候武學教授○初王韶既

神宗 熙寧六年

州等 州等 州等

上御 上御 上御

城河州獨將兵至馬練川降瞎吳叱進攻宕州拔之通洮山路岷州
 本令征以城降遂入岷州分兵破青龍侯於導羅川通熙州路豐州
 欽令征洮州郭廝敦皆相繼詣軍中以城所命巴甦角亦以其族自
 歸軍行凡五十有四日涉千八百里復州五關地東西千里斬首三
 千餘級是役也人皆謂韶已全師覆沒及奏捷上乃大喜王安石謂
 韶謀中機會故所至皆捷云辛巳宰臣王安石等以修復熙州洮岷
 疊宕等州幅員二千餘里招撫大小蕃族三十餘萬帳各已降附上
 表稱賀上解所服玉帶賜安石安石固辭曰陛下拔王韶於踈遠之
 中恢復一方臣與二三執政奉承聖旨而已不敢獨當此賜上又諭
 旨曰群疑方作朕亦欲中止殊卿助朕此功不成安石受賜○上初
 置內教場旬一御便殿程其能否而勸沮之人人奮勵○十二月上
 論司馬孫吳及李靖團力之法王安石曰古論兵無如孫武者如日
 有短長月有死生五星之變不可勝聽五色之變不可勝觀奇正之
 變不可勝窮蓋粗見道故其言有及於此上曰能知奇正乃用兵之
 要奇者天道也正者地道也地道則常天道則變而無常至於能用
 奇正以奇為正以正為奇則妙而伸矣安石曰誠如此天能天而不

論安石

子錢 罷圖 助別 羅買 綸免 之弊

不便 時

求因

能地地能地而不能天能天能地利用出入則所謂神也

熙寧七年二月上與王安石論邊事曰食哉惟時雖堯舜以為
先務安石曰雖然若不博德允元而難任人誰為陛下盡力推行食
哉惟時之政事上憂契丹安石曰豈有萬里而畏人者哉如不免畏
人即必是事尚有可思慮○庚寅詔國子監許賣九經子史諸書與
高麗國使人又詔以新鄆州左司理參軍葉濤等二十三人為諸路
教授國子監言看詳濤等所業堪充教授故也○三月癸卯詔以旱
避正殿減常膳○乙巳白虹貫日○詔役錢每千別納頭子五文其
舊於役人圓融工費修官舍作什器夫力糞載之類並用此錢不足
即用情輕贖銅錢輒圓融者以違制論不以去官赦原先是凡公家
之費有敷于民間者謂之圓融汗吏乘之以為奸至是始悉禁焉○
庚戌兩浙察訪沈括言兩浙上供帛年額九十八萬民間陪其多後
來發運司以移用財貨為名增兩浙預買紬絹十二萬乞罷之以寬
民力從之又詔聞定州民有拆膏屋木以納免役錢者令安撫轉運
提舉司體量且實以聞上問安石納免行錢如何或云提湯餅人亦
令出錢有之乎安石曰若有之必經中書指揮中書實無此文字陛

神宗 熙寧七年

下治身比堯舜實無所愧至於難任人疾讓說即與堯舜實異故也
上曰何故士大夫言不便者甚眾安石曰士大夫或不快朝廷政事
或與近習相為表裏自古未有令近習如此而能與治功者上又患
置官多費用安石曰凡創置官皆須度可以省費與治乃創置上曰
即如此何故財用不足若言兵多則今日兵比慶曆中為極少安石
曰陛下必欲財用足須理財若理財即須斷而不惑不為左右小人
異論所移乃可以有為上曰古者什一而稅足矣今取財百端不可
為少安石曰古非特什一之稅而已市有泉府之官山林川澤有虞
衡之官有次布總布質布縵布之類甚眾關市有征而貨有不由關
者幸其貨罰其人古之取財亦豈但什一而已○癸亥上批聞都下
米麥踴貴可令司農寺發寄倉常平米不計元余價比在市見賣之
直量減錢出糴詔司農寺以常平米二十二万斛三司米百九十萬
斛置官場出糴民甚悅之○乙丑詔中書應中外文武臣僚並許寬
封言朝政闕失翰林李士韓維之辭也先是維對延和殿上曰久不
雨朕夙夜焦勞奈何維曰陛下憂閔旱災損膳避殿此乃舉行故事
恐不足以應天變願陛下痛自責己下詔廣求直言以開壅蔽大發

欲罷
新法
治之
石
田保
甲得
兩
鄭俠
力攻
新法

恩令有所蠲放以和人情上感悟即命維草詔詔出入情大悅○夏四月己巳上以久旱憂見容色欲盡罷保甲方田等事王安石曰水旱常事堯湯所不免陛下即位以來累年豐稔今旱暵雖遠但當廣修人事以應天災不足貽聖慮耳上曰此豈細事朕今所以恐懼如此者正為人事有所未修也於是中書條奏請蠲減賑卹○詔州縣已差教授外管下有書院并縣學舊有錢糧者並撥入本學補試生員選差職掌餘官毋得干預從國子監請也○上批應災傷路分方田保甲其見編排方量及造五等簿處可速指揮並權罷是日大雨先是監安上門鄭俠言去年大蝗秋冬亢旱以至今春不雨皆由中外之臣輔佐陛下不以道以至於此伏願陛下開倉廩以振貧乏諸有司培斂不道之政一切罷去庶幾早召和氣上應天心臣又見南征北伐皆以其勝捷之執

神宗 熙寧七年

石
中
司馬
光
關政

滕甫
言新
法
王安
石知
江寧
府
韓絳
為相
呂惠
卿參
政

外以正欺君謾天之罪如少有所感亦乞正臣越分言事之刑然福清人也於是上出俠疏及圖以示輔臣問王安石識俠否安石曰嘗從臣學因乞避位上不許乃詔開封府劾俠擅發馬遞之罪○王安石懇求去位引惠卿執政上許之○判西京留守司御史臺司馬光上疏方今朝之開政其大者有六而已一曰廣散青苗使民負債日重而縣官無所得二曰免上戶之稅斂下戶之錢以養浮浪之人三曰置市易司與細民爭利而實耗散官物四曰中國未治而侵擾四夷得少失多五曰團結保甲教習凶器以疲擾農民六曰信任狡之人妄興水利勞民費財若其他瑣瑣米鹽之事皆不足為陛下道也○知青州滕甫言新法害民者陛下既知之矣但一下手詔應熙寧二年以來所行新法有不便者悉罷則民氣和而天意解矣○丙戌平章事監修國史王安石罷為吏部尚書知江寧府知大名府韓絳平章事翰林學士呂惠卿為參知政事安石為執政凡六年會久旱百姓流離上憂見顏色益疑新法不便欲罷之安石不悅屢求去上手詔諭安石欲慶之以師傳之官留京師而安石堅求去又賜手詔曰朕深體卿意更不欲再三邀卿之留已除卿知江寧庶安心休

息以適所欲朕體卿之誠至矣卿宜有以報之手創具存無或食言
從此浩然長往也又賜手詔曰韓絳欲得一見卿意者有所諮議卿
可為朕詳語以方今人情政事之所宜急者安石薦絳代已仍以惠
卿佐之於安石所為遵守不變也時號絳為傳法沙門惠卿為護法
善神

雖退而安石之法卒不可變何耶蓋安石變法之罪小用小人之
罪大變法之禍止於一時而引用小人其禍無窮惠卿祖安石之
意而行之章惇祖惠卿之意而行之蔡京又祖章惇之意而行之
其為禍百
年不止也

○己丑詔曰朕度時之宜造為法令已行之效固亦可見更有不能
奉承雖然朕終不以更或違法之故輒為之廢法要當博謀廣聽案
違法者而深治之先是呂惠卿慮中外因王安石罷相言新法不便
以書遍遺諸路監司郡守使陳利害至是又白上降此詔申明之○
上論及免行利害且曰今日之法但當使百姓出錢輕如往日便是
良法至如減定公使錢人猶以為言者此實除去衙前陪費深弊且
天下貢奉之物所以奉一人者朕恐已罷人臣亦當體朕此意以實

神宗 熙寧七年

惜百姓為心馮京曰朝廷立法本意出於愛民然措置之間或有未
盡但當開廣聰明盡天下之議便者行之有不便者不吝改作則天
下受賜矣○詔中書自熙寧以來勅立改更法度令其本未編類進
入○五月戊戌朔左司郎中天章閣待制李師中言早既太甚民將
失所今日之事非有動民之行應天之實臣恐不足以塞天變伏望
陛下詔求方正有道之士召諸公車對策如司馬光蘇轍輩復置左
右以輔聖德如此而後庶幾有敢言者陛下承祖宗之基求治如此
臣愚不肖亦未忘舊學陛下欲為富國彊兵之事則有禁暴豐財之
武欲為代工熙載之事則有利用厚生之道有臣如是陛下其令諸
上批師中敢肆詆謾輒求大用可責授和州團練副使本州安置不
得簽書公事王安石甚惡師中及是呂惠卿請出師中所上疏付外
因摘其語激上怒遂廢斥之○辛亥中書門下言策試制舉並以經
術時務今進士已罷詞賦所試事業即與制舉無異至於時政闕失
即士庶各許上封言事其賢良方正等科目欲乞並行俾能從之○
丙辰館閣校勘呂升卿國子監直講沈季長並為崇政殿說書升卿
素無學術每進講多拾經而於財穀利害等事上時問以經義升卿

青鄭

論

論

史

不能對輒曰季長從勞代對上問難其苦季長辭屢上問從誰受此
 義對曰受之王安石上笑曰然則且爾季長雖黨附安石而常非王
 雱王安禮及呂惠卿所為以謂必累安石雱等深惡之故不甚得進
 用○壬戌國子監言大學生負多而齋舍少先以期集院為律學外
 屋尚百餘間乞盡充學舍從之為至百楹學者以千計○六月詔監
 安上門鄭俠勒停編管汀州始俠上書獻流民圖朝廷以為狂笑而
 不問安石既罷呂惠卿執政俠又言安石作新法為民害惠卿明當
 姦邪擁蔽聰明獨馮京立異敢與安石校請黜惠卿用京為相惠卿
 大怒遂白上重責之○上謂輔臣曰天下財用朝廷若少留意則所
 省不可勝計昨者撥併軍營令會計減軍負十將以下三千餘人除
 二節特支及備從外一歲省錢四十五萬緡米四十萬石紬絹二十
 萬疋布三萬端草二百萬束若每事如此及諸路轉運使得人更令
 久任使之經畫財其可勝用哉○辛卯詔以司天監新製渾儀造渾
 於翰林天文院安置提舉司天監沈括秋官正皇甫愈等各賜銀
 有差○上謂輔臣曰知州轉運使令久任呂惠卿曰衆議皆以舉
 令為急不知列官分職何處不擇人上曰刺史縣令治民為最近於

神宗 熙寧七年

行手
實法

以擇人為急若縣令中明有績效用朝廷權三兩人以勵庶官不亦
 善乎馮京曰漢宣帝以縣令高第者為刺史刺史有殊績者人為三
 公黃霸是也上曰如此用人恐亦非宜且此霸之風采所以不及為郡
 時也○秋七月司農寺言五等丁產簿舊憑書手及戶長供通隱漏
 不實准使民自供手實許人糾告之法最為詳密惠卿獻議謂宜做
 手實之意使人戶自占家業如有隱落即用隱寄產業賞告之法庶
 得其實手實法凡造五等簿預以式示民令民依式為狀納縣簿訖
 第其價高下為五等乃定書所當輸錢示民兩月非用器田穀而輒
 隱落者許告有實三分以一充賞於是始行手實法○八月丙戌命
 知制誥沈括為河北西路察訪使先是遣內侍籍民車以備邊人未
 喻朝廷之意相搖大搔又市易司患西蜀井鹽不可禁欲盡實私井
 而運解鹽以足之上顧括曰卿知籍車之事乎括對曰知之上一曰卿
 以為何如括對曰車戰之利見於歷世巫臣教吳子以車戰遂霸中
 國李靖用偏廂鹿角以擒頡利臣但未知一事古人所謂輕重者兵
 車也五御折旋利於輕速今民間輜車重大推樸以牛挽之日不能
 三十里少蒙雨雪則跬步不進故世謂之太平車恐兵間不可用耳

上復喜曰人無如此曉朕者當更思之卿又聞西蜀禁鹽之利乎對曰亦粗知之私井既容其撲賣則不得無私易一切實之而運解鹽使一出於官售此亦省刑罰龍遺利之一端然忠萬我瀘簡夷界小井尤多不知覆蓋又何如止絕如此後夷界更須列候加警則恐所得不補所費明日二事俱寢執政喜謂括曰公有何術立談而罷此二事括對曰聖主可以理奪不可以言爭若軍可用虜蓋可禁括不敢以為非○九月戊戌上以連日陰雨喜諭輔臣曰朕宮中令人掘地及一赤五寸土猶滋潤如此必可耕耨韓絳等言陛下憫憂元元禱祠備至精誠上遂旋獲感通臣等比豫太一齋祠竊觀執事者踰旬未嘗解帶可見聖意虔恭左右之臣亦不敢小怠也○庚子與輔臣論河北守備韓絳等曰漢唐重兵皆在京師其邊戍裁足守備而已強本弱末其勢亦順開元以後有事四夷權臣皆節制一方重兵悉在西北天寶之亂由京師空虛賊臣得以肆志也止曰邊上老人亦謂今之邊兵過於昔時其勢如倒裝浮圖朕亦每以此為念也○詔曰者分兩浙為東西路今有司言供億錢穀多在浙西計置及水利事盡在蘇秀等州分之必至關事其毋復分路○三司火自己至

神宗 熙寧七年

戍止焚屋千八十楹案牘殆盡○乙卯知制誥章惇權發遣三司使○十月庚辰詔三司置會計司以宰臣韓絳提舉○癸巳工部郎中新知邢州范純仁權發遣慶州純仁過關入觀上見之甚喜曰卿父在慶州甚有威名卿今繼之可謂世職也卿兵法必精對曰臣素儒家未嘗學兵法又問卿父隨侍在陝西必亦詳熟邊事對曰臣隨侍時年幼並不復記憶純仁度必有以開邊之說誤上者因進言臣不才陛下若使完繕城壘愛養百姓臣策疲驚不敢有辭若使臣開拓封疆侵攘夷狄非臣所長願別擇才帥上卒不許○十一月己未冬至合祭天地于圜丘以太祖配赦天下○十二月乙亥新知常州呂嘉問提舉河北糴使糧草復理提點刑獄資序以檢正中書戶房公事張諤訟嘉問不應黜降故也初王安石既有江寧之命諤與嘉問持安石而泣安石勞之曰已薦呂惠卿矣兩人收淚謝安石

熙寧八年春正月諤議大夫馮京守本官知亳州王安石追毀出身以來文字於歸田里汀州編管人鄭俠改英州呂惠卿憾俠且惡馮京異議欲籍俠以誅去京并及王安國乘間白上曰俠書言青苗免役流民等事此衆所共知也若言禁中有人被甲登殿詬罵此

安石
惠卿
交惡

問張
方平
之策

議
折二
錢

王安
石復

禁中事俠安從知此蓋俠前後所言皆京使安國導之乞追俠付獄窮治詔送御史臺知制誥鄧潤甫同推究呂惠卿議當俠大辟上曰俠所言非為身也豈宜深罪始惠卿事安石如父子安國負氣惡其檢巧數面折之惠卿切齒及安石罷相引惠卿輔政惠卿遂欲代安石恐其復來乃因俠獄陷安國亦以沮安石也安石再入相安國猶在國門由是安石與惠卿交惡○呂惠卿為手實法奉使者至折秋毫天下病之是歲十月卒罷手實法○詔張方平歸宣徽院供職上問方平祖宗禦戎之策方平曰近歲邊臣建開拓之議皆行險僥倖之人欲以天下安危試之一擲事成則身蒙其利不成則陛下任其患不可聽也○丁巳權永興軍等路轉運使皮公弼言父子之法以方寸之紙飛錢致遠然不積錢為本亦不能以空文行今商號鐵冶所收極廣苟即治更鑄折二錢歲除工費外可得百萬緡為父子本并上可行十二事上批委公弼總制營辦○二月太常寺太祝王安上為右贊善大夫權發遣度支判官安上安石幼弟也○癸酉觀文殿大學士吏部尚書知江寧府王安石依舊平官平章事昭文館大學士始安石薦韓絳呂惠卿代己惠卿既得勢恐安石復入遂欲中

神宗 熙寧八年一

世
教
李

閱其途凡可以害安石者無所不用其智又數與絳許絳乘間白上請復相安石上從之惠卿聞命愕然翌日上遣勾當御藥院劉有方齎詔往江寧召安石安石不辭倍道赴闕○差樞密副都承旨張誠一入內押班李憲等行視寬廣殿前司步馬軍二千八百人教李靖管陣法上諭李憲等曰黃帝始置八陣法敗蚩尤於涿鹿諸葛亮造八陣圖於魚復平沙之上晉桓溫見之曰常山蛇勢此即九軍陣法也後至隋韓擒虎以授李靖靖以時將巨曉其法者頗多故造六花陣使出人不能曉之大抵八陣即九軍九軍者方陣也六花陣即七軍七軍者圓陣也蓋陣以圓為躰方陣者內圓而外方圓陣即內外俱圓矣故以圓物驗之則方以八包一圓以六包一此九軍六花之陣大體也六軍者左右虞候各一軍為二虞軍左右兩各二軍為四兩軍與中軍共為七軍八陣者加前後二軍共為九軍本朝祖宗以來置殿前馬步軍三帥即中軍前後軍帥之別名而馬步軍都虞候是為二虞候軍天武捧日龍神衛四廂是為四兩軍也中軍帥總制九軍即殿前都虞候專總中軍一軍之事務是其名實與古九軍及六花陣相符而不少差也李奎之圖乃營法非陣法也朕採古

史表

之法酌今之宜曰營曰陣本于一法而已止則曰營行則曰陣在奇
正言之則營為正陣為奇也○察訪使曾孝寬言慶曆八年嘗詔河
北州軍坊郭第三等鄉村第二等每戶養被甲馬一疋以備非時官
買乞檢會施行戶馬法始於此○夏四月上與王安石論理財安石
曰但審計無為小人所撓令材士肯為陛下盡力則財極有可理之
道○太常禮院言已尊僖祖為太廟始祖孟夏禘祭當正東向之位
仍請自今禘祫著為定禮詔恭依○閏四月知制誥沈括上熙寧奉
元歷初仁宗朝用崇天歷至治平初司天監周琮改撰明天歷行之
至熙寧元年七月望夜將旦月食東方與歷不協乃詔更造新曆括
言淮南人衛朴通曆法詔朴改造視明天曆朔減二刻曆成行之至
紹聖初又改曆○賜大理寺丞歐陽發進士出身發脩之子也上問
脩所為五代史如何王安石曰臣方讀數冊其文辭多不合義理上
曰責以義理則脩止於如此每卷後論說皆稱烏乎是事事皆可嘆
嗟○五月丙寅命輔臣禱雨于天地宗廟社稷○六月辛卯朔上批
開淮南旱甚其令轉運司委州軍長吏禱名山靈祠○辛丑都官員
外郎劉師旦言今九域圖自大中祥符六年修定至今六十餘年乞

神宗 熙寧八年

卒韓琦

韓絳

呂惠卿

選有地理學者重修更賜名曰九域志○王安石上詩書周禮義序
詔付國子監置之三經解之首先是王安石撰序稱頌上德以文王
為比上曰以朕比文王恐為天下後世笑卿言當為人法恐如此非
是安石言稱頌上德以為比于文王誠無所悔上曰朕豈不自知頌
當改之但言解經之意足矣遂改撰以進上乃頒行之○司徒兼侍
中判相州韓琦薨前一夕大星隕州治櫪馬皆驚上自為碑文載琦
大節又篆其首曰兩朝顧命定策元勳之碑謚忠獻○秋八月庚寅
朔司天監言日當食雲陰微雨不見○庚戌韓絳罷知許州絳居相
位数與呂惠卿異議王安石復入論政愈駁數稱疾固求罷而有是
命○冬十月崇政殿說書呂升卿權發遣江南西路轉運副使上既
決意罷惠卿政事故先出升卿先是御史蔡承禧奏臣累言參知政
事呂惠卿姦邪不法是日手詔參知政事呂惠卿不能以公滅私為
國司直可守本官知陳州○庚子權三司使章惇知湖州先是御史
中丞鄧綰言惠卿執政逾年所立朋黨不一然與惠卿同惡相濟無
如章惇今惠卿雖已斥逐而尚留惇在朝廷亦猶療病四躄而止治
其一邊冀除一堂而尚存穢之半也於是罷惇三司使以本官出守

○丁未書不見自始出至沒凡十二日○丁巳富弼言臣近日忽聞別降手詔許中外臣寮直言朝政之闕失洛城士庶歡呼鼓舞宣于道路推是而往則天下之人無不慰悅矣去年久旱陛下曾降手詔許臣寮上封論事人方喜悅日俟朝廷施設而不知何人上累聖德遽成反汗於是天下大失所望臣願陛下盡取群奏不遺蹟賤萬機之暇一一親閱擇其合者斷在不惑力賜施行則人心悅服天道助順天人相應立致太平豈復有災眚出見而上駭聖慮哉○張方平言新法行已六年事之利害非一二可悉人為天地心天地之變人心實為之故和氣不熯災異荐作顧其事必有未協于民者矣法既未協事須必改若又懼改人將不堪此臣所以為陛下痛心疾首一夕而九變也○十一月癸未右諫議大夫宋敏求為知制誥陳襄為樞密直學士先是知制誥鄧潤甫言近者群臣專尚告訐此非國家之美宜登用敦厚之人以變風俗上嘉納之居數日敏求及襄有是命○丙戌先是王安石以疾居家上遣中使勞問又命輔臣別其家議事時有不附新法者安石欲深罪之上不可安石爭之曰不然法不行上曰聞民間亦頗苦新法安石曰祁寒暑雨民猶怨

神宗熙寧八年

此豈足恤也上曰豈若祁寒暑雨之怨亦無耶安石不悅退而屬疾上遣使慰勉之乃出其黨為安石謀曰今不取門下士上素所不喜者暴而用之則權輕將有窺人間隙者矣安石從之上亦喜安石之出凡所進擬皆聽安石由是權益重○十二月辛亥王安石上再撰詩開雅義解詔并前改定諸詩序解付國子監鑄板施行○癸丑詔安南出受王爵而乃攻犯城邑殺傷吏民干國之紀刑茲無赦已差趙高充安南道行營馬步軍都總管頃時興師水陸兼進天示助順既兆布新之祥人知悔亡感懷敵愾之氣時交趾所破城邑即為露布揭之衢路言中國作青苗助役之法窮困生民今出兵欲相拯濟安石怒故自草此詔

交趾之法討之

蘇緘死節

○熙寧九年春正月己卯是日交趾陷邕州蘇緘曰吾義不死賊手乃還州解圍命其家三十六人皆先死藏之于坎縱火自焚緘憤沈起劉彝致寇彝又坐視城覆不救乃列起彝罪榜於市翼達朝廷邕人為緘立祠歲時禱之○二月丁亥朔判太原府郭達為安南道行營馬步軍都總管招討使兼荆湖廣南路宣撫使改趙高為副使始兵充與安石爭伐交趾利害安石言必可取充謂得之無益上

賜小錄錄論陣法

百惠卿安石持安石稍衰

竟用安石言○廣南西路經略司以蘇緘死事聞詔贈緘奉國軍節度使謚忠勇以其子前桂州司戶參軍子元為西頭供奉官賜門祇候賜對便殿上曰昔唐張巡以許遠守睢陽敵捍江淮較之卿父未為遠過也○三月甲戌詔集英殿賜進士王鐸以下并明經諸科及第出身同舉突出身者五百九十六人鐸邵武人也戊寅賜新及第進士等錢五百千諸科錢二百千造小錄等○夏四月上與輔臣論營陣法以謂為將者少知將兵之理且如八軍六軍皆大將居中大將警天心也諸軍則四體也運其心智以身使臂使指攻其左則右挾攻其右則左挾前後亦然則兵何由敗也○五月丙寅詔復分兩浙為二路明年五月復有詔合為一路蓋以財賦不可分故也○六月安石既與惠卿交惡令徐禧王古等按亭嶺不得惠卿罪更使周輔按之安石子雱切責禧等甫嘉問等嘉問等議取鄧維等所條惠卿事雜他書下制獄堂吏遽告惠卿於陳惠卿即自訂且訟維及安石上以示安石安石歸而問雱雱乃言其情安石始答雱而嘉問等相繼得罪安石由是愧上數求去上待安石自是意亦稍衰矣○天章閣待制王雱卒手詔即其家上雱所撰論語孟子義雱性

神宗 熙寧九年一

上王要語

刻深喜殺常稱前君以為家慄之士每勸安石誅不用命大臣安石不從也及與惠卿交惡使人告發呂氏姦利事皆自雱發之○秋七月庚申上批自闕以西秋稼頗有順成之望近忽生蝗蝻好坊可令監司速分定州軍往來督趣官吏打撲靜盡以聞○八月宣徽南院使判應天府張方平言司農寺近降新制應祠廟許依坊場河渡募人承買收取淨利管下關伯廟微子廟關伯王祀大火火為國家盛德所乘微子開國于宋亦本朝受命建號所因又有雙廟乃唐張巡許遠以孤城死賊欲乞朝廷不賣此三廟以稱國家嚴恭典禮追尚前烈之意上批司農寺闕天下祠廟尊國顯神此為甚者可速令更不施行○冬十月丙戌上批蘇開得前日小雨於農事亦小有濟宜且擇日賽謝○戊子上批權御史中丞鄧維操心頗懈賊性姦回論事薦人不循分守可落學士中丞以兵部郎中知魏州○壬辰詔崇文院校書兼中書戶房習學公事練身甫身儒字厲與言事官交通罷為漳州軍事判官先是王安石言聞御史中丞鄧維嘗為臣子第營官及薦臣子皆可用又為臣求賜第宅兼維近舉御史二人尋却乞不施行聞其一人彭汝勵者嘗與練身甫相失維聽身甫誇說

用能

王安石
石慶
吳亮
為相

王師
亮交
純仁
監發
常中

故之別舉官館豈可令執法在論思之地事用亦不當留備宰屬故
有是命初維以附會安石居言職及安石與呂惠卿之黨相傾維皆
極力奏劾之上益厭安石所為維懼安石去而失勢屢留之於上亨
甫詣事安石子粦以進至是乃斥○丙午左僕射兼門下侍郎平章
事王安石罷為鎮南軍節度使同平章事判江寧府安石之再入也
多稱病求去及子粦死力請解機務上亦滋厭安石所為故有是命
○樞密使工部侍郎具充依前官平章事充在西府數葉間言安石
政事不便上以其中立無私故相之知成都府為京為經事知樞
密院事先是呂惠卿悉出安石前後私書手筆奏之其一云勿令齊
年知齊年者謂京也與安石同歲在中書多異議故云又其一云勿
令上知由是上以安石為欺故復用京○十二月癸卯郭逵等次富
良江未至交州三十里賊大敗乾德懼奉表詣軍門乞降納蘇茂思
琅明諒廣源五州之地仍歸所掠子女

神宗 熙寧十年

神宗

純仁廉貨過多遣使按視民間之爭先輸官比使者至則已無欠部
寧間有叢塚使者孫塚數劾純仁全活不實之罪其地乃建中所
封也朝廷即欲移罪建中純仁連奏建中方申請措置而民多餓死
及臣因其措置偶免流亡非臣才術能然也建中竟不免罰銅○二
月辛卯日中有黑子如李至乙巳散○乙未權御史中丞鄧潤甫言
嘗有與利之臣議前代帝王陵寢許民請射耕墾而司農可之緣此
唐之諸陵悉見爰刈詔唐諸陵除立定禁止項畝外其餘民已請射
地許依舊耕佃餘並禁止○已亥樞密副使王韶知洪州韶鑿堽開
邊以軍功至執政乃專以勤兵費財歸曲於朝廷上不悅故出之○
寶文閣待制常秩卒秩起處士在朝廷碌碌無所發明問望日損為
時譏笑○三月辛亥朔分命輔臣祈雨○五月庚戌朔詔諸路言蠲
蟲生宜中嚴條約下當職官除絕之○監 京抽稅竹木務太子中
允程顥改太常丞以知河南府曹昌衡京西北路轉運副使李南公
等言顥博通古今行誼脩繁改官八年未嘗磨勘故也○戊午詔修
仁宗英宗兩朝正史庚申詔以歐陽脩五代史藏祕閣○癸亥知越
州資政殿大學士趙抃知杭州抃知越州時兩浙旱蝗餓死者十五

推程

地州

不獻

退居

黃廉

六諸州皆禁人增米價并獨榜衢路令有米者任增價粟之於是諸州米商輻湊詣越米價更賤民無餓死者先是淮浙飢詔出本界上供米損市價粟以活飢民發運副使盧秉言價雖賤貧者終不得米請償余本盡以其餘賑恤流民詔可是歲奏計上問曰如聞滁和民食蝗以濟有之乎秉對有之民飢甚死者相枕籍上愴然曰獨趙抃為朕言與卿合前此發運司入奏多獻羨餘以希恩秉獨以錢七十萬緡償三司摺負因言發運司但督六路財賦以時上之本無羨餘以進者率正數也乞遂禁絕上嘉納之○秋七月辛未太常丞知湖州鞠真卿為太常博士直秘閣以宣徽北院使王拱辰權御史中丞鄧潤甫並言真卿自改官至登朝三十年非特恩未嘗陳請磨勛故也○八月丙戌詔監察御史裏行黃廉為京東路體量安撫廉嘗言都檢正俞充結中人僥倖富貴不宜使佐具瞻之地上一曰人才蓋無類願駕御之如何耳廉對曰雖然漸不可長聖人長駕遠馭故四凶在朝不廢時雍彼皆才器傑然過人任使稱意為後世患故放極之自上曰且置此事河決曹村京東尤被其害今以累卿廉既受命條舉日餘事至所活飢民三十五萬三千口壯者就功而食又二萬

之類

贈

黃廉

七千人得七十二萬二千工給當年牛借種錢八萬六千三百緡歸而論薦士大夫後多朝廷所收用云○己丑秘書監蘇頌為遼主生辰國信使姚麟副之集賢校理劉奉世為正旦國信使張世矩副之故事使虜者冬至日與虜人交相慶是歲本朝曆先契丹一日虜人固執其曆為是頌曰曆家算術小異則遲速不同謂如亥時節氣當交則猶是今夕若踰刻則為子時為明日矣或先或後各從本朝之曆可也虜人不能屈遂各以其日為節使還奏之上喜曰朕思之此最難處卿對得極宜○甲辰詔內外特制以上及臺諫官發運轉運使提點刑獄轉運判官各舉文臣才行堪升擢官一員令中書審察隨材試用毋得舉館職及兩府若已之親從監察御史黃廉奏請也應詔者百餘人廉又言勢孤族寒遠跡下僚者既得以名聞於上願詔中書審察其能不用之則急才之詔不虛行於天下○九月贈隸州團練推官邵雍秘書省著作郎宰相吳充請於上賜諡曰康節雍初與常袞同召雍竟辭不起士大夫高之○冬十月乙未知河陽呂公著提舉中太乙宮公著至京師對延和殿勞問周至公著面奏伏觀近詔舉才行堪任升擢官切詳今日詔意正欲達所未達然數年以

來天下之士陛下素知其能嘗試以事而中就閑外者尚多恐其間亦有材實忠厚欲為國家宣力者未必盡出於迂闊繆戾而難用也自熙寧初論新法不附執政者皆譴逐不復收用故公者見上首言之○十二月壬午詔自明年正月朔旦改元為元豐○司馬光以書與吳充言今日救天下之急保國家之安苟不罷青苗免役保甲市易之息征伐之謀而欲求其成效是猶惡湯之沸而益薪鼓囊欲適鄢郢而北轅疾驅也充代王安石為相知天下不便新法欲有所變更嘗乞召還光及呂公著韓維蘇頌又薦孫覺李常程顯等十數人皆安石所斥退者故光遺以此書而充不能用光亦卒不起

戊午元豐元年春正月庚戌詔河北轉運司令所在長吏躬禱各山靈祠旱故也○戊午判太常寺陳襄集賢校理黃履李清臣王存詳定郊廟奉祀禮文○權發遣三司使李承之言近年朝廷寬假資格稍高之人為其衰遲或不任事未欲遽令休退故置提舉管勾官觀之職不立員數而臣僚趨附貪祿冒居無耻或精神未衰便私避事亦求此職乞今後在京官觀母得過十五員諸路倍之如有除授等依例待闕詔自令陳請宮觀等差遣人年六十以上聽差仍母過兩

神宗 元豐元年

次○閏正月戊子權監察御史裏行彭汝礪為江南東路轉運使辭日復上疏論時事且言不患無將順之臣患無諫諍之臣不患無敢為之臣患無敢言之臣上察其忠慰諭久之○庚子日中有黑子如李自是至戊午凡十九日○三月壬午侍讀呂公著讀後漢書畢上留公著極論治體至三皇無為之道釋老虛寂之說公著問上曰此道高遠非舜能知之乎上曰堯舜豈不知公著曰堯舜雖知之然常以知人安民為難此所以為堯舜也上又論前世帝王曰漢高祖武帝有雄材大略高祖稱吾不如蕭何吾不如韓信至張良獨曰吾不如子房蓋以子房道高尊之故不名公著曰誠如聖諭上又曰武帝雖以汲黯為戇然不冠則不見後雖得罪猶以二千石祿終其身公著曰武帝之於汲黯僅能不殺耳上又論唐太宗公著曰太宗所以能成王業者以其能屈己從諫耳上臨御日久群臣畏上威嚴莫敢進規至是問公著言竦然敬納之○御適英閣講官黃履進詩禮八柄上曰坐而論道謂之王公而入柄非大宰所得與何也履曰入柄以馭群臣馭者主道也非大宰所與上曰善○庚寅詔時雨稍愆遣官禱玄冥五星辛卯遣官謝雨○六月癸卯朔日有食之○

甲辰夜東南有光燭地大星出匏瓜裂于內階聲如雷○秋七月丁酉御史黃廉言前歲科場逐經發解人數不均之自今於逐經內各定取人分數所貴均收所長以專士習詔自今在京發解并南省考試詩易各取三分周禮禮記通取二分又言國子監生員著述論議盡得講官緒餘將來逐官例差考試切恐去取之際或未能判然無疑外方疏遠之人偶不相合遂致黜落欲乞將來一選近歲新科人為試官或差近郡教授詔候差官日取旨○庚子初澶州決水復塞呂公著奏疏曰曹村埽決聖心惻然即議閉塞功未踰時而有成患不閱歲而尋弭實由陛下至誠愛民愛物之心天相神助殆非人力近日數起詔獄有司酷於鍛鍊比至臨決多從末減昔于公一郡之刺史耳猶以陰德有報況於萬乘之尊固宜受禍無疆施於萬世然臣願陛下親正士拒壬人必有忍以濟事功推內怨以及人物于以崇起忠厚保合泰和則易所謂自天祐之吉無不利詩所謂千祿百福子孫千億者蓋將以類而應是月公著入對上迎謂曰覽卿所奏深得人臣盡規之義時獄汗溼背而上繼嗣未廣公著辭順而意婉故上納焉○九月乙酉呂公著薛向並同知樞密院事公著奏事畢

神宗二年正月

呂公著論

獨留謝因言自熙寧以來因朝廷論議不同端人良士例為小人排格指為沮壞法度之人不可復用此非國家之利也願陛下加意省察上曰然當以次收用之○十二月辛丑朔詔提舉司天監集曆官考算遼高麗日本國與本朝奉元曆同異聞奏其後曆官趙延慶等言遼已未年氣朔與宣明曆合日本戊午年氣朔與遼曆相近高麗戊午年朔與奉元曆合其二十四氣內有七氣時刻并逐月太陽過宮日數時刻不同○丙午是日月中有黑子如李凡十三日乃散○先是上以國初廢大理獄非是於是中書言請復置大理獄應三司及寺監等公事除本司公人杖笞罪非追究者隨處裁決餘並送大理獄結斷置卿一人少卿二人丞四人專主推鞫○上海憤北虜臣強侵侮有復幽燕之志即景福殿庫聚金帛為兵費是年始更庫名御製詩以揭之曰五季失國嚴仇孔熾藝祖造邦思有懲艾爰設內府基以募士曾孫保之敢忘厥志凡三十二庫後積羨贏又揭以詩曰每歲夕惕心妄意遵遺業顧予不武姿何日成戎捷

○宋元豐二年春正月京兆府學教授蔣夔言春秋釋奠以孔子為先聖顏子為先師先聖先師群祭器實牲體盥手灌鬯奠幣讀祝與

曆中曆

以復

定釋

呂公著
程顥

御衣
掩之

蔡確
追變
新法

治蘇
軾

許史
臣直
前奏
事

樊森
繫

孔子無少異而九人之像坐于兩旁樽酒豆肉不及乞下臣議於禮
 官薦其祝獻顏子降于孔子九人降於顏子以正開元之失禮禮官
 言者詳孔子顏子稱號歷代各有據依難輒更改儀物祝獻亦難隆
 殺檢會熙寧祀儀十哲皆為從祀各設邊二豆二俎蓋蓋爵各一命
 官分獻一奠而止乞自今二京又諸州又宣王廟十哲像春秋釋奠
 並準熙寧祀儀從之○二月甲寅罷程顥判武學以御史何正臣言
 顥學術迂闊趨向僻異故也同知樞密院呂公著言臣向輒論及判
 別忠邪之道大抵小人之害君子以求要功之語以中之使之不能
 自解陛下頗賜開納近日除程顥判武學外下數日復因言者而罷
 去則知臣前所陳者其風猶未殄也况如顥者其立身行道素有本
 末講學論議久益疏通使得復見用於聖世其奮身報國未必在時
 輩之後兼所除武學差遣亦未為立臣之要津而小人斷斷必以為
 不可者直欲深梗正路賈沮善人其所措意非特一二人而已○日
 中有黑子如李凡十日乃散○三月癸巳集英殿賜進士明經諸科
 開封時彦以下及第出身局出身同舉究出身總六百二人○五月
 癸酉奏事垂拱殿御衣有虫自襟沿至御巾上既拂之至地視之乃

神宗二年

行虫其中善入人耳上亟曰此飛虫也蓋慮治及執侍者而掩之實
 非飛虫也○戊子蔡確參知政事時宰相吳充議變法確爭曰曹參
 與蕭何有隙怪何相漢導何約束且法陛下所建立一人協相而成
 之一人挾然而壞之民何措手足乎充屢屈法遂不變○秋七月御
 史舒亶言蘇軾作為歌詩頗有譏切時事之言蓋陛下發錢以本業
 貧民則曰贏得兒童語音好一年強半在城中陛下明法以課試群
 吏則曰讀書萬卷不讀律致君堯舜終無術陛下與水利則曰東海
 若知明主意應教斥鹵變桑田陛下謹贖禁則曰豈是聞韶解忘味
 爾來三月食無鹽其他觸物即事應口所言無非以詆謗為主小則
 鏤板大則刻石傳播中外自以為能詔知諫院張璪御史中丞李定
 推治以聞○八月甲辰同修起居注王存言古者左史記事右史記
 言唐正觀初仗下議政事起居郎執筆記于前史官隨之欲望追唐
 正觀典故復起居郎舍人職事丙午詔修起居注官雖不兼諫職如
 有史事宜於崇政殿延和殿承旨司奏事後直前陳述從修起居注
 王存請也○九月癸酉以國子監直講蒲中行為館閣校勘上批昨
 監生虞蕃訴學官上下共為姦賊而中行所履潔廉不涉更議宜少

治蘇
軾等
罪

獎之以勵風俗故有是命○冬十二月乙巳御史中丞李定等言今酌周官書考賓興之意為太學三舍選察升補之法上國子監敕式令若學令凡百四十條詔行之太學置齋舍八十齋容三十人外舍生二千內舍生三百上舍生百總二千四百月一私試歲一公試補內舍生間歲一試補上舍生對彌騰錄如貢舉法而上舍則學官不與考校公試外舍生入第一等第二等參以所書行藝預籍者升內舍內舍生試入優平二等參以行藝升上舍分三等俱優為上一優一平為中俱平若一優一否為下上等命以官中等免禮部試下等免解學正增為五人學錄增為十人學錄參以學生為之○直史館蘇軾責授黃州團練副使本州安置駙馬都尉王誥追兩官勒停蘇軾監筠州酒稅務正字王鞏監賓州酒稅務張方平李清臣司馬光范鎮錢藻陳襄劉攽李常孫覺曾鞏王汾劉摯黃庭堅戚秉道吳瓘盛僑王安上周放杜子方顏復各罰銅初御史臺既以軾具獄上法寺當徒二年會赦當原於是中丞李定言古之議令者猶有死而無赦况軾所著文字訕上惑眾宣徒議令之比乞特行廢絕以釋天下之惑御史舒亶又言駙馬都尉王誥收受軾譏諷朝政文字又言除王誥

神宗 元豐二年

王鞏李清臣外張方平而下凡二十二二人如盛僑蓋皆略能誦說先王之言辱在公卿士大夫之列顧可置而不誅乎疏奏軾等皆特責獄事起誥嘗屬軾密報軾而軾不以告官亦降黜焉軾初下獄方平及鎮皆上書救之不報軾既下獄眾危之莫敢正言者直舍人院王安禮東間進曰自古大度之君不以語言謫人按軾文士本以才自奮謂爵位可立取顧錄錄如此其中不能無缺望今一旦致於法恐後世謂不能容才願陛下無庸竟其獄上曰朕固不深譴特欲申言者路耳行為卿貴之其後獄果緩卒薄其罪

元豐三年春正月辛巳詔改國子監直講為太學博士每經二人○癸未增國子監歲賜錢萬五千緡以國子監言歲費錢三萬七千緡而所入纔二萬三千緡也○二月辛丑命輔臣祈雨○詔改諸王宮侍講為講書○三月乙丑工部侍郎平章事吳充罷為吏部尚書觀文殿大學士西太一宮使○已丑上以慈聖光獻故大推恩於曹氏且欲以佾為正中書令呂公著言非所以寵外戚上曰褒寵外戚誠非國家美事願以慈聖光獻有功於宗社宜優恤其家爾公著因言自古亡國亂家不過親小人任宦官通女謁寵外戚等數事而

吳充
罷相
呂公著
著諱
寵外
戚

額子定國 定王 授 書出 太微 劉凡 請更 藥

已上深以為然時王中正宋用臣等任事故公著假此以諷上既退
向歎曰公乃敢言如此事使向汗流浹背○夏四月乙未吳克卒
世幾充心正而力不足知不可而不能勇退云○詔校定孫子吳子
六翰司馬法三略尉繚子李靖問對等書鑿板行之○戊申御史臺
言奉詔復置六察察在京官司今請以吏部及審官東西院三班院
等隸吏察戶部三司及司農寺等隸戶察刑部大理寺審刑院等隸
刑察兵部武學等隸兵察禮祠部太常寺等隸禮察少府將作等隸
工察從之○辛酉增國子監歲賜錢六千緡○五月乙丑編修學制
所言奉旨立勢要及國子監生太學官親屬許不以鄉貢就開封應
舉之法臣等看詳監以國子為名而無國子教養之實恐未稱朝廷
建學育士之意乞應清要官親戚並令入監聽讀以二百人為額解
發母過四十人從之○六月戊戌詔宗室教授並兼大小兩學廣
睦親北宅二員餘各一員○秋七月癸未是夜彗出西北太微垣郎
位南在軫丙戌詔以星變自今月戊子避正殿減常膳中外臣寮並
許直言朝政闕失○八月罷諸路提點刑獄司檢法官○戊申劉凡
等言太常大樂鐘磬凡三等王朴樂一也李照樂二也胡瑗阮逸樂

神宗 元豐三年

詳定 復出 書

三也王朴之樂其聲太高此太祖皇帝所嘗言仁宗景祐中命李照
定樂乃下律法以取黃鐘之聲是時人習舊聽疑其太重李照之樂
由是不用至皇祐中胡瑗阮逸再定大樂比王朴樂微下及鑄大鐘
或譏其聲弁鬱因亦不用於是郊廟依舊用王朴樂欲請下王朴樂
二律以定中和之聲就大常鐘磬擇其可用者其不可修者別製從
之○戊午彗滅初七月癸未彗出於軫長丈丙戌出於翼戊子長三
尺是月庚子出於張三十六日乃沒○九月乙亥詳定官制所上以
階易官寄祿新格中書令侍中同平章事為開府儀同三司左右僕
射為特進吏部尚書為金紫光祿大夫五曹尚書為銀青光祿大夫
左右丞為光祿大夫六曹侍郎為正議大夫給事中為通議大夫左
右諫議為太中大夫祕書監為中大夫光祿卿至少府為中散大夫
太常至司農少卿為朝議大夫六曹郎中為朝請朝散朝奉大夫凡
三等員外郎為朝請朝散朝奉郎凡三等起居舍人為朝散郎司諫
為朝奉郎正言太常國子博士為承議郎太常祕書殿中丞為奉議
郎太子中允贊善大夫中舍洗馬為通直郎著作佐郎大理寺丞為
宣德郎光祿衛尉寺將作監丞為宣義郎大理評事為承事郎太常

王安石封

范鎮

費議

寺太祝奉禮郎為承奉郎秘書省校書郎正字將作監主簿為承務郎又言開府儀同三司至通議大夫以上無磨勘法太中大夫至承務郎應磨勘待制以上六年遷兩官至太中大夫止承務郎以上四年遷一官至朝請大夫止候朝議大夫有闕次補其朝議大夫以七十負為額選人磨勘並依尚書吏部法遷京朝官者依今新定官其祿令並以職事官俸賜祿科舊數與今新定官請給對擬定並從之

○乙酉舒國公王安石為特進改封荆國公○罷議樂修樂局其范鎮今降勅獎諭鎮初召對為上言定樂當先正律上曰然雖有師曠之聰不以六律不能正五音鎮作律尺龠合升豆區鬴斛欲圖上之又乞訪求真黍以定黃鍾而凡即用李照樂加四清聲而奏樂成及是鎮謝曰此劉几樂也臣何與焉○十一月己丑朔翰林天文院言日食雲陰不見又言巳時六刻雲間見日不及所食分數○壬子直龍圖閣勾當三班院曾鞏議經費曰宋興承五代之敝六聖相繼與民休息故生齒既庶財用有餘且以景德皇祐治平較之天下歲入皇祐治平皆一億萬以上歲費亦一億萬以上景德官一萬餘員皇祐一萬餘員治平總二萬四千員景德郊費六百萬皇祐一千二百

會華

定

萬治平一千三百萬以二者較之官之衆郊之費皆一倍於景德誠詔有司案尋載籍而講求其故可罷者罷之可損者損之使官之數郊之費皆同於景德者省蓋半矣已而再上議曰案國初三班吏員止於三百或不及之至天禧之間乃總四千二百有餘至于今乃總一萬一千六百九十宗室又八百七十蓋景德真數已十倍於初而以今考之殆三倍於景德歲歲有增未見其止臣略考其入官之由具於別記以聞議其可罷者罷之可損者損之臣之所知者三班也吏部東西審官與天下他費尚必有近於此者惟陛下試加考察以類求之使天下歲入億萬而所省者什三計三十年之通當有十五年之畜使國家富盛如此則何為而不成上頗嘉納之○十二月甲子詔應遷官除授者並即寄祿官除大兩省待制以上至太中大夫餘官至朝請大夫並通磨勘進士八年餘十年一遷所理年月自降指揮日為始自官制行以舊少卿監為朝議大夫諸卿監為中散大夫祕書監為中大夫故事兩制以上轉官至前行郎中即超轉諫議大夫前行郎中於階官為朝請大夫諫議大夫於階官為太中大夫而兩制磨勘者舊不轉卿監即於今制不當轉此二階又舊制朝議

羅頌

大夫止以七十負為額餘官轉至朝請大夫即頌俟有闕方許次補至是因有司申明乃降是詔其大兩省待制以上自通直郎至太中大夫磨勘理三年承務郎以上至朝請大夫理四年自如舊制○丁卯中大夫集賢院學士蘇頌知滄州頌入辭因言母老畏寒頌春上道頌曰卿母誰氏頌曰龍圖閣直學士陳從易女上曰天聖間侍從耶頌曰臣外祖天聖間以直昭文館知廣州罷還不而南物輦俸餘錢過嶺仁宗聞之即日擢知制誥上曰清過於馬援矣頌到滄數月召還判吏部

更老

元豐四年春正月中書禮房請令進士於本經論語孟子大義論策之外加律義一道省試二道武舉止試孫吳大義及策從之○

王珪

三月甲辰翰林學士承議郎張璪為參知政事先是王珪嘗三薦璪不用珪曰璪果賢陛下未嘗用以為不賢讒也臣恐士弗得進矣臣

不用

為宰相三薦賢三不用臣失職請罷上喜曰宰相當如是朕姑試卿卿德不回朕復何慮○夏五月戊申詔河東河北路轉運司尋訪經

打提

嬰公孫杲曰墳廟所在以承議郎吳處厚言二人保全趙孤乞加封爵故也詔嬰封成信侯杲曰封忠智侯○六月甲子有上書乞鑿

白

守令者上謂輔臣曰天下守令之衆至千餘人其才性難以編知惟立法於此使象之於彼從之則為是背之則為非以此進退方有

守令

的所謂朝廷有政也如漢黃霸為條教以于名譽在所當治而反增秩賜金夫家自為政人自為俗先王之所必誅變風變雅詩人所

刺朝廷惟一好惡定國是守令雖衆沙汰數年自當得人也○戊辰詔開河北飛蝗極盛漸已南來速令開封府界提舉司京東南西路

轉運司遣官督捕○己卯洪州言知州觀文殿學士王韶卒韶為人

麤獷用兵頗有方略然魚河所奏多欺誕軍以首級為功韶交親皆

楚人多依韶以求仕韶分屬諸將諸將畜降差老弱或殺與其首以

應命既病疽發皆洞見五藏亦其報也○壬午詔陝西緣邊諸路累

報夏國大集兵須至廣為之備以种諤為鄜延路經略安撫副使應

本司事與經略安撫使沈括從長處置諤入對大言曰夏國無人秉

孫固

常孺子臣往提其臂而來耳上壯之乃決意西征命諤副括上初議

西討知樞密院孫固曰舉兵易解禍難前後論之甚切上意既決固

曰然則孰為陛下任此者上曰吾以屬李憲固曰伐國大事而使宦

者為之士大夫誰肯為用上不悅他日又對曰今五路並進而無大

神宗 元豐四年

研茶

斬茶

論之

帥就使成功兵必為亂上諭以其無人同知樞密院呂公著進曰既無其人若不若且已固曰公著言是也○秋七月丁亥權發遣群牧判官郭茂恂言準詔以陝西博買蕃部馬并糧草欲專以茶博買馬以綵帛博買糧穀及以茶馬併為一司令臣具經久利害臣竊聞昔時亦是茶折馬價雖兼用金帛等亦從其便近歲始專用銀絹及錢鈔等况賣茶買馬事實相須令提舉買馬官通管茶場實為職務相濟從之○詔斬四方館使韓存寶於瀘州先是存寶經制瀘州夷賊無功時方大舉伐夏故誅存寶以令諸將○八月庚申史館修撰曾鞏兼同判大常寺詔鞏專典史事更不預修兩朝史上曰修史最為難事如魯史亦止備錄國事待孔子然後筆削司馬遷材足以周物猶止記君臣善惡之迹為實錄而已王珪曰近修唐書褒貶亦甚無法上曰唐太宗治潛亂以一天下如房魏之徒宋祈歐陽輩尚不能闕其淺深及所以成就功業之實為史官者才不足以過其一代之人不若實錄事迹以待賢人去取褒貶爾○九月丙申熙河路都大經制司言九月乙酉收復蘭州李憲又言乞建蘭州為帥府以鎮洮為列郡也從之○己亥宰臣王珪上國朝會要二百卷仁宗時修會

元祐四年

靈州不
州不
悔不
用務
固言

要自建隆止慶曆四年一百五十卷熙寧初珪請續之凡十二年乃成止熙寧十年適舊增拾成三百卷○冬十月和諤破米脂寨援軍捷書至群臣稱賀○辛巳史館修撰曾鞏言臣修定五朝國史要見宋興以來名臣良士或嘗有名位或素在立閣嘉言善行歷官行事軍國勲勞或貢獻封章著撰文字本家碑誌行狀紀述或他人為作傳記之類今所修國史須當收采載述恐舊書訪尋之初有所未盡乞京畿委開封知府及畿縣知縣外委逐路監司州縣長吏博加求訪有子孫者延致詢問所有事迹或文字盡因郡府納於史局以備論次或文字稍多其家無力繕寫即官為庸寫校正其嘗任兩府兩制臺諫之家家至詢訪各限一月發送史局并中書編集累朝文字及樞密院機要文字并累朝御札詔副本送本局以備討論從之○十一月癸未朔日有食之○辛丑環慶涇原兵去靈州初高遵裕攻圍靈州十有八日不能下糧道且絕賊決七級渠以灌我師潰死者甚衆先是有詔輒班師者族城以不下遵裕曰活兩路生靈得罪死無所恨遂班師○十二月先是知樞密院孫固乞罷西師既而既出無功上諭固曰若用卿言必不至此於是固又言兵法期而後至者

斬始議五路入討會于靈州李憲獨不赴乃自開蘭會欲以弭責要不可赦乞誅之不從

論

劉

乙亥

分命

輔臣

祈雨

三月

乙酉

提舉

江南

西路

常平等事

劉詎

言聞道

奎洵洵

以責鹽

為患

望稍變

法以便

民又上

書云陛

下所立

新法本

以為民

為民有

倍稱之

息故與

之貨錢

為民有

破產之

與之免役為民無睨屬之任故教伍保為民有積貨之不信故設法易皆良法也行之數年天下訟之法弊而民病色色有之其於法尤甚又言蹇周輔元立鹽法以救淡食之民於今民間積鹽不售致怨嗟責既不行月錢久負追呼刑責將滿江西其勢若此則安民之民轉為盜賊其將奈何上批劉詎職在奉行法度既有所見自公心陳露報敢張皇上書特勒停○司天監言四月朔日當食於詔自已亥易服避正殿減常膳其日百司守職○乙巳御集英進士明經諸科黃裳以下及第出身同出身五百九十三人○

元豐五年春二月兩浙路轉運司言知潤州鞠真卿侮法專威

上曰刺史縣令治民為最近漢自刺史有入為三公者蓋重其任耳

今之藩郡不過數十往往多不得人則縣令可知也自今更宜謹擇

言聞道奎洵洵以責鹽為患望稍變法以便民又上書云陛下所立

新法本以為民為民有倍稱之息故與之貨錢為民有破產之患

與之免役為民無睨屬之任故教伍保為民有積貨之不信故設

易皆良法也行之數年天下訟之法弊而民病色色有之其於法

尤甚又言蹇周輔元立鹽法以救淡食之民於今民間積鹽不售

致怨嗟責既不行月錢久負追呼刑責將滿江西其勢若此則安

民之民轉為盜賊其將奈何上批劉詎職在奉行法度既有所見自

公心陳露報敢張皇上書特勒停○司天監言四月朔日當食於

詔自已亥易服避正殿減常膳其日百司守職○乙巳御集英

進士明經諸科黃裳以下及第出身同出身五百九十三人○

神宗 元豐五年

月壬子朔雲陰日不見食○知開封府王安禮言三院獄空揭諸府

門遼使過見歎息稱為異事上曰昔由余聘秦觀政內史廖鞏從容

俎豆以奪其謀者秦有人也安禮留意吏事能駭動外夷於古無愧

矣○壬戌崇文殿校書楊完編類元豐以來詳定郊廟奉祀禮文成

三十卷以進○癸酉王珪依前官守尚書左僕射兼門下侍郎蔡確

依前官守尚書右僕射兼中書侍郎

○甲戌詔中書五月朔行官制知定州章惇守門下侍郎參知政事

張操守中書侍郎翰林學士承議郎溥宗子為中大夫守尚書左丞

翰林學士朝奉郎王安禮為中大夫守尚書右丞翰林學士承議郎

李清臣試吏部尚書尋詔清臣特遷朝奉大夫○通直郎館閣校勘

檢正中書禮房公事王震試右司員外郎於是開天章閣初用官制

除拜詔震及雍從輔臣執筆入記聖語回授以左右司仍使自書特

論榮之○詔自今更不除館職具帶館職人依舊如除職事官校理

官制

王珪 蔡確 並相 初行 官制

三院 獄空

以上轉一官校勘成磨勘三年校書減二年並罷所帶職○丁丑同知樞密院呂公著為資政殿學士知定州始議五路舉兵伐夏公著諫不聽尋上表求罷上封還其奏及西師無功公著言外議皆謂王中正宜正典刑於是用李憲策將圖再舉公著又固諫上不悅會章惇自定州召為門下侍郎公著因乞代惇守邊章繼上乃有是命又李舜舉入奏上意悟欲罷西師公著入辭上慰勞之曰卿不當居外行且召卿矣○五月手詔朝廷議更官制本欲覈正吏治非徒膠古希奇而已此命官置司修講逾年迫今頒行尚爽條理其詳定官恐須益得深曉文法之人御史中丞徐禧可同詳定官制如頃所論體統令以此意著為式令蓋上嘗論蘇綽建復官制上自朝廷下至州縣悉分為六曹財賦如一令先自京師依推排有序即監司州縣皆可施行矣○王珪言故事中書進熟進草唯執政書押今官制明下省給事中獨許書畫黃而不得書草舒置疑之因以為請上曰造令行令職分宜別給事中不當書草著為令○三省言九寺三監分隸六曹欲申明行下上曰不可一寺一監職事或分屬諸曹豈可專有折宜曰元寺三監於六曹隨事統屬者為令○上以命令稽緩語

神宗元豐五年

員公
著諫
西師
求出

會
詳定
官制

不
書
筆

官制

上論
用人

王珪
諫內

三省
均

輔臣頗悔改官制蔡確等慮上意遂欲罷之乃力陳新官制置祿比舊月省俸錢二萬餘貫上意遂止○詔尚書六曹分隸六察○上謂輔臣曰雖周之盛時亦以為才難唯能以道沈觀不拘流品隨才任使則取入之路廣苟不稱職便可黜逐不可謂已與之官祿反以係吝而難於用法如臣下有勞朝廷見知雖有過失亦當寬貸故律有議賢議勞之法亦周之八材詔王之遺意然有司議罪自當守官誅宥則繫主斷如此則用人之道無難矣○六月甲寅修兩朝正史成一百二十卷○上批昨據李憲奏進置堡障以為駐兵討賊之地近李舜舉奏財糧未備朝廷以邊障所言忠實可聽信已罷深入攻取之策若賊犯邊自當應敵掩擊先是舜舉退詣執政王珪迎勞之曰朝廷以邊事屬押班及李留後無所顧之憂矣舜舉曰四郊多壘此卿大夫之辱也相公當國而以邊事屬二內臣可乎內臣正宜供禁庭洒掃之職耳豈可當將帥之任耶聞者代珪發慙○詔自今事不以大小並中書省取旨門下省覆奏尚書省施行二省同得旨事更不帶三省字行出是日輔臣有言中書省獨取旨事體太重上曰三省體均中書省揆而議之門下省覆而覆之尚書省承而行之苟有

論家

尚書

御史

不當自可論奏不當緣此以亂體統也先是官制所莫能究其分省
 設官之意乃置中書門下尚書為二各得取旨出命既紛然無統紀
 至是上一言遂定○上臨御又群臣伏聽命無能有所論說時因
 奏事有欲詰諫者王安禮進說曰陛下固聖矣而左右輔弼宜擇自
 好之士有廉隅者居之則朝廷尊至於論事苟取容悅偷為一切之
 計而已人主將何便於此上善其言○戊午宰臣王珪言天聖中修
 真宗正史成別錄三朝賢訓以備省覽今當修仁宗英宗兩朝賢訓
 詔秘書省著作局依例修進差林希曾輩○詔尚書省得彈奏六察
 御史失職○壬申廣南西路轉運使馬默言安化州蠻作過上曰默
 意欲用兵耳用兵大事極須謹重向者郭達安南與昨來西師兵夫
 死傷皆之下一二十萬有司失入一死罪其責不輕今無罪置數十萬
 人於死地朝廷不得不任其咎天下大事蓋常起於至細章惇曰唐
 虞君臣相戒亦曰一日二日萬幾上曰知幾至難惟聖賢為能圖於
 未形所以無智各勇功其次於其幾兆而圖之則易為力其下事至
 於著見而謀之故用力多而見功寡章惇又曰善師者不陳蓋圖之
 未兆耳上曰事之將兆天常見象但人不能知章惇示人事甚直

神宗元豐五年

論

刑

重遷

察

如語言顧今無深曉天道之人耳古人能知之則能消伏王珪曰天
 象既如此必至於用兵此亦數也上曰惟先格王正厥事能正厥事
 雖必至於用兵可以無悔矣○秋七月上因論刑曰先王之內刑蓋
 不可廢至漢文帝罷之若甚秦之敝欲休養生民則可矣如格以先
 王之法則不得為無失三代之時民有疆非分別圻域彰善癉惡入
 重遷徙故以流為重後世之民遷徙不常而流不足治也故用加役
 流又未足懲也故有刺配猶未足以待故又有遠近之別蓋先王教
 化明習俗成則肉刑不為過也○戊子卿延路計議邊事徐禧等言
 銀州故城形勢不便當遷築於末樂堞上自末樂堞至長城嶺置六
 寨自背周川至布娘堡置六堡從之○八月癸丑詔三省樞密院祕
 書殿中內侍入內內侍省聽御史長官若言事御史彈糾先是置監
 察隨所隸察省曹寺監而三省至內侍省無所隸故以長官言事御
 史察之○九月甲申末樂城成以兵四千人守之○丙戌徐禧李舜
 舉復入末樂城丁亥賊三十萬眾攻城遂圍城戊戌末樂城陷禧及
 舜舉俱死稷為亂兵所殺曲珍及王湛李浦逃歸士卒得免者十無
 一二或言禧實不死有自虜還者嘗見之○冬十月戊申朔李拒种

韓晉
平

富明
運
亂論治

以言為職非有所聞則無以言今凡寃其所自來則人將懲之而臺
諫不復有聞矣恐失開言路之意事遂寢○元豐間詔大理兼鞫獄
所承內降公事上下皆曰是詔獄也意必傳重少卿韓晉卿獨持平
覈實無所觀望人以不寃上知其才凡獄難明及事繫權貴者悉以
委晉卿尚書省建權刑部郎中天下大辟請讞執政或以為煩將劾
不應讞者晉卿適白事省中因曰聽斷求實朝廷之心也今讞而獲
戾讞不至矣議者或引唐覆奏欲令天下庶獄悉從奏決晉卿曰法
在天下而可疑可矜者上請此祖宗制也今四海一家欲械繫待朝
命恐罪人之死于獄多于伏辜者朝廷皆從之○兼同提舉成都府
等路茶場郭茂恂乞併茶場買馬為一司庶幾茶司同任買馬之責
○閏六月乙亥朔夏國主秉常奉表乞修職貢○賜江淮等路發運
副使蔣之奇紫章服發運司歲需穀六百二十萬石之奇領漕事以
是月至京師於是人觀上問勞備至面賜之且曰朕不復除官漕事
一以交卿之奇辭謝因條畫利病二十餘事多見納用○丙申守司
徒開府儀同三司致仕韓國公言弼卒先是弼上疏論治道之要曰
臣聞自古致天下治與亂者大綱不出用諛佞讜直之人二端而已

神宗 元豐六年

富明
言時
失政之

諛佞者進則人主不聞有過惟惡是為所以致亂也讜直者進則人
主日有開益惟善是從所以致治也臣自離朝廷退居山下時亦仰
知朝政所為大率諛佞者競進于朝讜直者多戛于外雖有在朝者
蓋心觸忤奸佞亦皆結舌不敢有所開陳疏奏上謂輔臣曰富弼有
疏來章惇曰弼言何事上曰言朕左右多小人惇曰盍令分析孰為
小人上曰弼三朝老臣豈可令分析王安禮進曰弼之言是也罷朝
惇責安禮曰右丞對上之言失矣安禮曰吾儕今日曰誠如聖諭明
日曰聖學非臣所及安得不謂之小人惇無以對弼既上疏又條陳
時政之失以待上問及卒後乃得其藁曰今日上自輔臣下及庶士
畏禍圖利習成弊風忠詞讜論無復上達致陛下聰明蔽塞天下禍
患已成尚不知驚懼改悔創艾補救日甚一日殆將無及陛下即位
之初邪臣納說圖任之際聽受失宜謂能拒絕衆人不使異論得行
然後聖化可運事功可成此蓋奸人自謀利於苟悅而柄任之臣欲
專權自肆以成己志遂誤陛下放斥忠直進用邪佞忠詞杜絕詭譽
日聞去歲朝廷納邊臣妄議大舉戈甲以討西戎師徒潰敗兩路騷
然當舉事之初執政大臣臺諫侍從苟能犯顏極諫則聖心自回禍

富公
夷秋

難自息矣臣不知是時小大之臣有為陛下力爭其不可者乎西師
乃一事也不幸又有甚於此者朝廷之事莫大於用人夫輔弼之任
論議之職皆當極天下之選彼夫貪寵患失柔從順媚者豈可使之
事一出於上則下莫任其責小人因得行其奸矣故事成則下得竊
其利事不成則君獨當其咎豈上下同心君臣一德之謂乎此乃朝
廷之大體也又曰今上下情意不通為臣者莫得盡其心百姓
愁怨失所無由上達而政令之施行書詔所曉諭不聞歡欣信服之
意臣恐非朝廷所以示天下也又曰宮闈之臣委之統制方面皆非
所宜在外則挾權怙寵陵轢上下入侍左右寵祿既過則驕恣易落
勢位相及則猜奪隨至立黨生禍又曰興利之臣虧損國體為上歛
怨至若為場以停民貨造舍而蔽舊屋推河舟之載擅路費之利急
於歛取道路嗟怨此非上所以與民之意又曰聖意以今日之事為
無足慮邪亦以為當深思而救之邪所信用者皆君子邪有小人邪
此豈逃聖鑑之明但無以順從為悅則忠邪判矣弼早有公輔之望
天下皆稱曰富公各聞夷狄遼使每至必問其出處安否臨事周悉
度不萬全不發當其敢言奮不顧身忠議之性老而彌篤家居一經

神宗 元祐六年

納西

孟義
司馬

分左
右史

浙酒未嘗忘月廷贈太尉諡文忠○秋七月內辰以安壽同知樞密
院西用兵歲以上益厭之乃不次用燕時夏人款塞壽謂宜遂撫
納且戒邊臣毋為兵端既又請還疆土壽言當使知吾宥過而罷兵
不應示吾厭兵之意○八月己卯大白晝見○前桐城縣尉周器上
書詔中書省記姓名上日閱既函小臣所言利害無不詳覽如此○
辛卯詔中大夫尚書左丞蒲宗孟守本官知汝州先是宰執同對上
有無人材之歎宗孟對曰人材半為司馬光以邪說壞之上下誣正
視宗孟久之宗孟懼甚無以為容上復曰蒲宗孟乃不取司馬光也
司馬光者未論別事只辨樞密副使朕自即位以來唯見此一人他
人則雖迫之使去亦不肯矣又因之論古今人物宗孟盛稱揚雄之
賢上作色言揚雄劇秦美新不佳也罷朝安禮賦宗孟曰揚雄為公
坐累○九月癸卯朔日有食之○中書舍人趙彥若等言六房公事
乞據舍人負數分領以吏戶禮兵刑工為次其年事班簿制勅庫房
並通領從之○戊辰起居郎蔡京言舊修起居注官二員不分左右
故月輪一員修纂今起居郎舍人分隸兩省所以備左右史官則左
當書動右當書言乞自今起居郎舍人隨左右分記言動從之○冬

子盡

子博

待立

賦音

孟子

資

十月癸酉朔夏國主秉常遣使奉表復修職貢仍乞還所侵地長為
外藩乃賜秉常詔其地界已令鄰延路移牒宥州施行歲賜使疆界
了日依舊○詔封孟軻為鄒國公以吏部尚書曾孝寬言孟軻未加
爵命故特封之○十一月丙午冬至祭昊天上帝于圜丘以太祖配
始罷合祭天地還御宣德門大赦天下○甲寅判河南府潞國公文
彥博守太師開府儀同三司致仕

汝州無田產乞居常州從之元豐中軾察御史獄上六無意深罪之
宰臣王珪言蘇軾有不臣意因舉軾檜詩根到九泉無曲處世間唯
有螫龍知之句對曰陛下飛龍在天而求之地下之螫龍非不臣而
何上曰彼自誅檜何預朕事珪語塞遂薄其罪然上每憐之一日語
執政曰國史大事朕意欲俾蘇軾成之執政有難色上曰非軾則用
曾鞏其後輩亦不副上意上復有旨起軾以本官知江州中書祭酒
張璪受命明日改江州太平觀又明日命格不下於是徙軾汝州有
蘇軾思各閣歲滋深人材實難不忍終棄之語前此京師盛傳
軾已白日仙去上對左丞蒲宗孟嗟惜故軾表有疾弱運筆人皆

神宗 元豐六年

傳為已死飢寒併日臣亦自厭其餘生之句也○二月庚午朔河北
轉運使措置河北糴便吳雍言見管人糧馬料總千一百七十六萬
石奇贏相補可支六年河北十七州邊防大計倉廩充實雖因藉豐
年實以吏能幹職同措置王子淵在職九年悉心公家望考察成效
以勸才吏詔賜子淵紫章服○三月丁巳大燕集英殿中皇子延安
郡王初待立于前宰臣王珪率百僚廷賀王年未當出閣上特令侍
宴以見群臣○壬戌詔太學外舍生周邦彥為試太學正邦彥獻汴
都賦文采可取故權之邦彥錢塘人○五月庚申詔中書舍人蔡卞
往江寧府省視王安石疾病○辛酉白虹貫日○壬戌詔自今春秋
釋奠以鄒國公孟軻配食文宣王設位于兗國公之次荀况揚雄韓
愈以世次從祀於二十一賢之間並封伯爵○六月禮部言歐陽脩
等編太常因革禮始自建隆訖於嘉祐為百卷嘉祐之後闕而不錄
熙寧以來禮文制作足以垂法萬世乞下太常委博士接續編纂以
備討閱從之○戊子集禧觀使王安石請以所居江寧府上元縣園
至剡禪寺乞賜名額從之以報寧禪院為額或云安石子粵處性險
惡安石在政府凡所為不近人情者粵實使之既死安石嘗恍惚見

擢韓忠彥

樞府監

資治通鑑

復用馬光

零荷鐵枷如重囚狀遂請以園羣為僧寺蓋以零求救於佛也○秋七月癸丑分命輔臣祈晴○八月癸巳澗州言太子少保致仕趙抃卒贈太子少師謚清獻○冬十月乙亥給事中韓忠彥為禮部尚書忠彥入謝上諭曰先令公之勲朕所不敢忘卿復盡忠朝廷此未足以酬卿也○辛卯樞密院奏乞以自來御前批降指揮備載於冊以為樞密府龜監從之○十一月夏國主秉常遣護國羊迷乙遇齋表入貢○十二月戊辰端明殿學士兼翰林侍讀學士司馬光為資政殿學士降詔獎諭賜銀絹衣帶范祖禹為秘書省正字並以修資治通鑑書成也上諭輔臣曰前代未嘗有此書過荀悅漢紀遠矣初元豐五年將行官制謂輔臣曰官制將行欲取新舊人兩用之又曰御史大夫非司馬光不可蔡確進曰國是方定願少遲之王珪亦助確乃已及除光第四任提舉崇福宮詔滿三十箇月即不候替人發來是時確後用光也是歲秋宴上感疾始有建儲意又謂輔臣曰來春當用其以司馬光及呂公著為師保蔡確知光必復用欲自託於方負外部邢恕曰上以君實為資政殿學士異禮也君實言確說進不敢進書和叔門下士宜以書言不可辭之故恕但

蔡確等罪 仁皇太子

神宗

與光之子康言致確語康以白光笑而不答亦毋辭而後受之
 元豐八年春正月戊戌上不豫二月癸巳上疾甚王珪言去冬嘗奉聖旨皇子延安郡王來春出閣願早建東宮凡三奏上三顧微肯首而已又乞皇太后權同聽政至于再三皇太后泣許先是蔡確疑上復用呂公著及司馬光則必奪已相乃與邢恕謀為固位計恕故與皇太后姪公繪公紀游恕密執二人手曰右相令布腹心上疾未損延安郡王冲幼宜早定議雍曹皆賢主也公繪等懼曰君欲禍我家徑去已而恕反謂雍王顯有覬覦心與內殿承制致仕王絳共造誣謗是日入問疾退乃於樞密院南廳共議之王珪曰上自有子復何議翌日遂立皇太子確傳京怨邢謀遂不得逞其蹤迹詭秘亦莫辨詰各自謂有定策功事久語聞孝為朝廷大禍其實本怨發之○三月甲午朔皇太后垂簾皇子立簾外珪等遂宣制立為皇太子改名昞又詔應軍國事並皇太后權同處分候康復日依舊成式上崩于福寧殿宰臣王珪讀遺制哲宗皇帝立

史記 上聰明英睿天性孝友事兩宮竭誠盡力親愛二弟無纖毫之間終上之世乃出居外第聖學高遠言必據經深造道德之蘊而詳於度數禁中觀書或至夜分在東宮素聞王安石有重名

熙寧初擢輔政虛已以聽之安石更定法令中外爭言不佞上亦
疑之而安石堅持之不肯變其後天下終以為不便上亦不專信
任安石不自得求引去遂八年不復召然思顧不表司馬光呂公
著論論議終不合而極口稱其賢勵精求治如恐不及總攬萬機
小大必親御發決事或日昃不暇食侍臣有以為言者上曰朕事
天下之奉非喜榮惡逸誠欲以此勤報之也將定官制獨與閣中
考求沿革一年而成人皆不知每當用兵或終夜不寢邊奏絡繹
手札處畫號令諸將丁寧詳密授以成筭故千里外上自節制機
神鑒察無所遁情如李憲張誠一輩雖甚親用然未嘗一日弛其
街策無不畏上之威明而莫敢肆欲先取靈夏城西羌乃圖北伐
積粟塞上數千萬石多備兵器以待及永樂陷沒知用兵之難於
是亦息意征伐矣謙冲退託去華務實終身不受尊號此誠帝王
之盛德也

○初司馬光不敢赴闕會神宗崩聞孫固韓維皆集闕下時程顥在
洛亦勸光行乃從之衛士見光皆以手加額曰此司馬相公也民爭
擁光馬呼曰公母歸洛留相天子活百姓所在數千人聚觀之光懼
遂徑歸洛

所貴乎大臣者非以其有過天下之材智也必其有服天
下之德望也王安石所以變舊法之易者以其虛名實行足以取
信於人司馬光所以改新法之易者以其居洛十五年天下皆期
之為宰相也然安石其權臣溫公其重臣矣

神宗

百姓
馬光

司馬
光

馬
光

羅
放

市
易

刀
削

太皇太后聞之詰問主者遣內侍梁惟簡勞光問所當先者光乃上
疏曰近年以來閭閻愁苦痛心疾首而上不得知明主憂勤宵衣旰
食而下無所訴莫若明下詔書廣開言路不以有官無官之人應有
知朝政闕失及民間疾苦者並許進實封狀盡情極言陛下必聽政
之暇略賜省覽其義理精當者即施行其言○夏四月詔開封府界
京東路養馬指揮並罷又詔京東京西路保甲養馬法元定年限極
寬民間易以應辦而有司不務循守期限迫急遂致搔擾先帝已嘗
降手詔詰責約束至今猶不能奉行其兩路保馬宜令並依元降年
限收買其剩買過數自並充以次年分之數其後詔京東京西路保
馬等級分配諸軍餘數發赴太僕寺其格不應支配即還民戶變易
納所給價錢○又詔在京并京西及泗州所買物貨等場並罷○中
書省言內外人戶見欠市易錢物當議減放詔大姓戶放七分小姓
戶全放資政殿大學士呂公著兼侍讀公著時知揚州召用之遵先
帝意也○資政殿學士司馬光知陳州○辛巳職方員外郎邢恕為
右司員外郎恕雅善司馬光及呂公著蔡確度光及公著必復用遂
深交怨意故因恕以結二人也然恕傾險乃更與確陰謀謂確有定

司馬光論新法
保
減放

策功於是驟遷都司○司馬光上疏曰昔仁宗皇帝擢臣知諫院臣
初上殿即言人君之德三曰仁曰明曰武致治之道三曰任官曰信
賞曰必罰英宗皇帝時臣曾進歷年圖其後序言人君之道一其德
有三其志亦猶所以事仁宗也夫行皇帝新即位擢臣為御史中丞
臣初上殿言人君修心治國之要其志亦猶所以事英宗也今皇帝
陛下新承大統猥蒙訪落謹復以人君修心治國之要為獻其志亦
猶所以事大行皇帝也臣近曾上奏乞下詔書開言路伏望聖慈早
賜施行○樞密院言府界三路保甲兩丁之家止有病丁并田不及
二十畝者聽自陳提舉司審驗與放免詔可○司馬光上疏曰先帝
勵精求治以致太平不幸所委之人不足以仰副聖志自謂古今之
人皆莫已如多以已意輕改舊章謂之新法其入意所欲為人主不
能奪天下莫能移縉紳士大夫望風承流競獻策畫作青苗免役市
易賒貸等法又有邊鄙之臣行險僥倖輕動干戈深入敵境使兵夫
數十萬暴骸於曠野又有生事之臣建議置保甲戶馬以資武備變
茶鹽鐵冶等法增家業侵街商稅錢以供軍須非先帝之本志也先
帝并遣奔喪至京乃蒙太皇太后陛下特降中使訪以得失既而

神宗 元豐八年

司馬光
下詔

司馬光
罪言
事者
用蘇
類

有旨罷脩城役夫撤詞邏之卒止御前造作斥浪近習之無狀者戒
飭有司奉法失當過為煩擾者罷物貨等場及民所養戶馬又寬保
馬年限四方之人無不鼓舞聖德新法之弊天下之人無貴賤愚智
知之是以陛下微有所改而遠近皆相賀也然尚有病民傷國有害
無益者如保甲免役錢將官三事皆當今之急務登華所宜先者○
五月詔曰蓋聞為治之要納諫為先凡內外之臣有能以正論啓沃
者豈特受之而已固且不愛高爵重祿以獎其忠若乃陰有所懷犯
非其分或扇搖機事之重或迎合已行之令上則觀望朝廷之意以
微倖希進下則銜惑流俗之情以干取虛譽然則黜罰之行是亦不
得已也○詔新知陳州司馬光過闕入見先是光上疏言諫爭之臣
人主之耳目也太府少卿宋彭年言在京不可不並置三衙管軍臣
僚水部員外郎王諤乞令依保馬元立條限均定逐年合買之數又
乞令太學增置春秋博士朝廷以非其本職而言各罰銅三十斤陛
下臨政之初而一臣首以言事獲罪臣恐中外聞之忠臣解體直士
挫氣太平之功尚未可期也於是令光過闕入見○戊戌詔汝州安
置蘇軾復朝奉郎知登州○己亥詔呂公著乘傳赴闕程顥為宗正

三言

宰相

蔡確

司馬

寺丞○丙午酉時地震即止○詔府界三路弓兵並依保甲未行以前復置○庚戌守尚書左僕射王珪卒珪自輔政至宰相凡十六年守成而已時號三言宰相以其上殿進呈云取聖旨上可不說又云領聖旨既退論稟者云已得聖旨故也○丙辰正奏名進士劉達等五百七十五人特奏名八百四十七人並釋褐武舉進士三十九人並賜袍笏銀帶○戊午尚書右僕射兼中書侍郎蔡確守左僕射兼門下侍郎知樞密院事韓縝守右僕射兼中書侍郎門下侍郎章惇知樞密院資政殿學士司馬光為門下侍郎初光以知陳州過闕未入對上疏乞下詔廣開言路及到京蒙降中使以五月五日詔書賜臣看閱詔書始末之旨固盡善矣中間並以六事防之臣以為入臣惟不言苟上言則皆可以六事罪之矣或於群臣有所褒貶則可以謂之陰有所懷本職之外微有所涉則可以謂之犯非其分陳國家安危大計則可以謂之煽搖機事之重或與朝旨暗合則可以謂之迎合已行之令言新法之不便當改則可以謂之觀望朝廷之意言民間愁苦可閱則可以謂之銜感流俗之情然則天下之事無復可以言者矣是詔書始於求諫而終於拒諫也乞刪去中間一節使天

神宗 元豐八年

甲子

程顥

下之人各盡所懷不憂黜罰如此則中外之事遂近之情如指掌矣未幾果別下詔令實書其事自上新即位至無復忌憚三十一序並去之光既除門下侍郎又以劄子辭免并請更張新法於是太皇太后遣中使賜手詔諭令供職光乃受命○六月丙寅府界三路保甲不許投軍及充弓箭手指揮○詔賜楚州孝子徐積絹三十疋米三十石○丙子資政殿學士韓維知陳州維初赴臨闕庭太皇太后降手詔勞問維奏治天下之道不必過求高遠止在審人情而已識人情不難以已之心推人之情可見矣大凡人情貧則思富苦則思樂勞困則思息鬱塞則思通陛下誠能常以利民為本則人富矣常以愛人為本則人樂矣役事之有妨農務者去之則勞困息矣法禁之無益治道者蠲之則鬱塞通矣又奏臣嘗具奏陳陛下深察盜賊所起之原罷非業之令寬訓練之程蓋為保甲保馬發也臣非謂國馬遂可不養但官置監牧可矣非謂民兵遂可不教但於農隙一時訓練可矣○丁丑承議郎新除宗正寺丞程顥卒顥嘗論熙寧初張戩爭新法不可行遂以語觸王安石因曰新法之行乃吾黨激成之當時自愧不能以誠或上心遂成今日之禍吾黨當與安石分其罪

也顯深有意經濟方乃用遽死士大夫識與不識莫不哀傷文彥博采衆議題其墓曰明道先生云

○道之不明天實憫之篤生賢哲安稟特異元氣之會渾然天成天意固有所屬矣居洛十年充養備至入見其詞氣肅然不取即也而和氣充然見面盡背遽色厲辭無有也入見其接物粹然若可易也而望之崇深截乎規矩準繩不敢慢也局度清越出故若將先焉而克勤小物雖○畏瑣弗憚也立言洒落近而易知扣之則無窮出之則愈○其所見者不一而不知先生道積于中固純乎而弗雜也清究極先生所以用力之地謂心不可以一事留事不可以一善止有適有莫成非其天地之全安居氣未消防其為義理之勝去新學之支離非釋氏之不相際屬忌學者先立標準斥記誦者之玩物喪志游其門者如群飲于洛各充其量故得先生之教者如顯道之誠篤公拔之端厚得先生之和者如淳夫之安恬中立之簡易隨其所得固已自足各出矣元祐群賢悉起散地先生獨有愛色使之叶濟於朝以施調一之功安有紹聖報復之禍哉

呂公著十事

○奉議郎知定州安喜縣事王巖叟為監察御史○癸未呂公著入見太皇太后遣中使賜食公著上奏十事一曰畏天二曰愛民三曰脩身四曰講學五曰任賢六曰納諫七曰薄斂八曰省刑九曰去奢十曰無違皆隨事解釋組成條貫不為繁辭以便觀覽是日同上奏

神宗 元豐六年

呂公著十事

曰先帝新定官制設諫議大夫司諫正言之官其負數甚備狀乞事敕輔弼選忠厚骨鯁之臣正直敢言之士偏置左右使掌諫諍又御史之官號為天子耳目而比年以來專舉六察故事發國家治亂之大計察官司簿領之過也伏乞盡罷察案只置言事御史四人或六人仍詔諫官御史並須直言無諛規主上之過失舉時政之紕繆指群臣之姦黨陳下民之疾苦○丁亥詔曰古之王者即政之始必明日達聰以防壅蔽敷諄言以輔不逮然後物情得以上聞利澤得以下究應中外臣寮及民庶並許實封直言朝政闕失民間疾苦朕將親覽以考求其中而施行之司馬光凡三奏乞改前詔於是始用其言也○呂公著既上十事太皇太后遣中使諭公著曰覽卿所奏深○有開益當此拯民疾苦更張何者為先庚寅公著復上奏曰自王安石石秉政變易舊法群臣有論其非便者指以為沮壞法度必加廢斥是以青苗免役之法行而取民之財盡保甲保馬之法行而用民之力竭市易茶鹽之法行而奪民之利悉若此之類甚眾更張之際當須有術不在倉卒且如青苗之法但罷逐年比較則官司既不邀功百姓自免抑勒之患免役之法當少取實劑之數度其善惡所宜無

呂公著十事

令下戶虛有輸納保甲之法止令就冬月農隙教習勿只秀之路監
司提按既不至妨農害民則衆庶稍得安業至於保馬之法先朝已
知有司奉行之繆市易之法先帝尤覺其有害而無利及福建江南
等路配賣茶鹽過多彼方之民殆不聊生恐當一切罷去而南方監
法三路保甲尤宜先革者也陛下必欲更修庶政使不驚物聽而實
利及民莫若任人爲急是日又同上奏孫覺方正有學識可以充諫
議大夫范純仁剛勁有風力可以充諫議大夫或戶部右曹侍郎李
常清直有守可備御史中丞劉摯資性端厚可充侍御史蘇轍王巖
叟並有才氣可充諫官或言事御史太皇太后封公著劄子付司馬
光詳所陳更張利害有無兼濟之才直書以聞光奏公著所陳與臣
言者正相符合惟有保甲一事朝廷既知其爲害於民無益於國便
當一切廢罷更安用教習○光又言陛下推心於臣俾擇多士竊見
劉摯公忠剛正趙彥若博學有父風傅堯俞清立安恬范純仁臨事
明敏唐淑問行已有耻范祖禹溫良端厚此六人者若使之或刺臺
諫或侍講讀必有裨益○知慶州范純仁言郡邑之弊守令知之
路之弊職司知之茶鹽利局民兵刑法差役之弊提其局及受其弊

神宗元豐八年

治純
仁言

歷市
易

甲路
三

者知之軍政之弊三帥與將領者知之邊防之弊守邊者知之伏望
陛下特下明詔各使條陳本職限一月內聞奏亦可因其所陳略知
其人之才識然後審擇而行之○秋七月甲午詔諸鎮寨市易抵當
並罷○丁酉請大行皇帝尊謚于天天錫之曰英文烈武聖孝皇帝
廟曰神宗詔恭依○戊戌呂公著爲尚書左丞公著言國朝之制每
便殿奏事止是中書樞密院兩班昨來先帝修定官制中書省門下
省尚書省各爲一班雖有三省同上進呈者蓋亦鮮矣執政之臣皆
是朝廷遴選正當一心同力集衆人之智以輔惟新之政遂詔應三
省合取旨事及臺諫章奏並進呈施行○詔府界三路保甲自來年
正月以後並罷團教仍依義勇舊法每歲農隙赴縣教閱一月○門
下侍郎司馬光乞盡罷諸處保甲保正長使歸農依舊置耆長壯丁
巡捕盜賊戶長催督稅賦其所養保馬揀擇勾收太僕寺量給價錢
分配兩驥院蔡確等執奏不行詔保甲依樞密院今月六日指揮
保馬別議立法○司馬光言臣伏見臣僚民庶上言朝政闕失民間
疾苦奏狀必多乞降付三省委執政官分取看詳擇其可取者用黃
紙簽出再進入或留置左右或降付有司施行從之○八月丙子月

有食之既○癸未諫議大夫孫覺言乞依天禧元年手詔言事左右
 諫議大夫左右補闕拾遺凡發令舉事有不便於時不合於道大則
 廷議小則上封若賢良之遺滯於下忠孝之不聞於上則條其事狀
 而薦言之詔依此申明行下○詔府界新置馬牧監并提舉經度制
 置牧馬司並罷○司馬光言近降農民訴疾苦實封狀王嗇等一百
 五十道除所訴重複外俱已簽帖進入切惟四民之中惟農最苦蠶
 婦治繭績麻紡緯其勤極矣農蠶者天下衣食之源人之所仰以生
 也是以聖王重之切聞太宗嘗遊金明池召田婦數十人於殿上賜
 席使坐問以民間疾苦賜帛遺之太宗興於側微民間事固無不知
 所以然者恐富貴而忘之故也宣宗乳母秦國夫人劉氏本農家也
 喜言農家之事真宗自幼聞之及踐大位咸平景德之治為有宋隆
 平之極景德農田敕至今稱為精當自非大開言路使朕畝之民皆
 得上封事則此曹疾苦何由有萬分之一得達於天聽哉○九月己
 酉劉摯為侍御史摯言伏見諫官止有大夫一員御史臺自中丞侍
 御史兩殿中法得言事外監察御史六員專以察治官司公事欲望
 聖慈於諫院增置諫官員數本臺六察御史並許言事其所領察案

神宗元豐八年

自不發如故所貴共盡忠力交輔聖政○朝奉郎蘇軾為禮部郎中
 ○戊午監察御史王巖叟上疏曰今民之大害不過三五事而已如
 青苗實困民之本須盡罷之而近日指揮但令歛散不立額而已役
 錢須如舊來復行差法而近日指揮但令減寬剩而已保甲之害蓋
 由提舉一司上下官吏逼之使然而近日指揮雖止令冬教然上存
 官司此皆姦邪遂非飾過將至深之弊略示更張以應副陛下聖意
 而已貼黃稱如執論者以青苗免役遽罷之恐國用不足則乞陛下
 問以治平嘉祐之前國用何以不闕願令講究而行之○冬十月己
 巳太皇太后諭輔臣曰民間保馬宜早罷見行法有不便於民者改
 之○癸酉詔做六典置諫官其具所置員以聞從劉摯之言也○丁
 丑詔尚書侍郎給舍諫議中丞待制以上各舉堪充諫官二員以聞
 初中旨除范純仁為左諫議大夫唐淑問為左司諫朱光廷為左正
 言蘇轍為右司諫范祖禹為右正言令三省樞密院同進呈太皇太
 后問此五人何如章惇曰故事諫官皆令兩制以上奏舉然後執政
 進擬今除目從中出臣不知陛下從何知之得非左右所薦此門不
 可浸啓太皇太后曰皆大臣薦非左右也惇曰大臣當明揚可以密

薦由是呂公著以范祖禹韓縝司馬光以范純仁親嫌為言。曰：臺諫所以糾繩執政之不法，故事執政初除親戚及所舉之人，見為臺諫官者皆徙他官。今當循故事，不可違祖宗法。光曰：純仁祖禹作諫官，誠協衆望，不可以臣故妨賢者。進臣寧避位，博曰：縝光公著必不至有私。萬一他日有姦臣執政，援此為例，純仁祖禹請除他官，仍令兩制以上各得奏舉，故有是詔。淑問光廷轍除命，皆如故。純仁改為天章閣待制，祖禹為著作佐郎。○詔監察御史兼言事殿中侍御史兼察事，始用呂公著及劉摯之言也。○詔罷義倉，其已納數遇歉歲以充賑濟。○侍御史劉摯言：州縣之政廢墜，得失其責宜在監司，宜稍復祖宗故事於三路，各置都轉運使，用兩制。臣寮充職以重其任，自餘諸路亦望推擇，資任稍高，練達民情，識治體，近中道之人，使忠厚安民而不失之寬弛，肅給應務而不失之淺薄。○癸未，趙彥若兼侍讀，傅堯俞兼侍講。先是侍御史劉摯言：皇帝陛下春秋鼎盛，在所資養，左右前後宜正人與居，語默見聞宜正事。是接伏見兼侍講陸佃、蔡卞皆新進少年，欲望於內外兩制以上官內別選通經術有行義忠信孝悌淳茂老成之人，以充其任。於是佃卞皆罷而彥若堯俞

神宗 元豐八年

有是命。○乙酉，葬神宗英文烈武聖孝皇帝于永裕陵。○詔罷方田。○詔提舉府界三路保甲官，並罷令逐路提刑及府界提點司兼領。○王巖叟言：風聞章惇於簾前問陛下御批除諫官事，曲折再三，語涉輕薄，小庭傳聞，眾所共憤。惇又謂陛下何從而知是不欲威權在人主端，良入朝廷，侵官犯分，慢上瀆尊，國有常憲，乞行顯黜。○劉摯言：神宗皇帝靈駕進發，惟救前一日五使三省，執政官宿于兩省，切聞宰臣蔡確獨不曾入宿，慢廢典禮，有不恭之心。○左正言朱光庭言：蔡確先帝簡拔，位至宰相，靈駕發引，輒先馳去數十里之遠，以自便安為臣不恭，莫大於此。又言章惇欺罔肆辯，韓縝挾邪冒寵，章數上其言甚切。○十一月癸巳，詳于洗為京東轉運使，於是司馬光語人曰：今復以子駿為轉運使，誠非所宜。然朝廷欲救東土之弊，非子駿不可。此一路福星也。可以為首。○轉運使模範矣安得百子駿布衣天下乎。洗既至，奏罷兼利國兩監鐵冶，又乞海鹽依河北通商。民大悅。○丁巳，鄉貢進士程頤為汝州團練推官，充西京國子監教授，以司馬光呂公著及西京留守韓絳薦其學行。故有是命。○劉摯言：章惇性資怙薄，素無行檢，伏請罷惇政事。王巖叟言：臣亦以言事。

冬保

簾儀制之日章傳嘗美眾拜言曰待與此禮數臣子問莫一
共怒伏以太皇太后先皇帝之母陛下之祖母垂簾聽政又先帝之
遺制國朝以來自有故事豈以私意輒可重輕乞付有司治正停罪
○十二月詔今月十五日開講筵講論讀實訓講讀官日赴資善堂
以復日講讀仍輪一負宿直初講及更旬宰相執政並赴○罷大學
保任日罪法○又罷我
確山陵使回必須引
望早發霄斷罷確政事以明國憲○先是王巖叟言臣伏觀陛下變
保甲月教之法為冬教人人始得安業又言乞依義勇舊法免冬教
於是詔府界三路保甲第五等兩丁之家免冬教○甲戌天章閣待
制兼侍講范純仁中書舍人王震並為給事中監察御史王巖叟言
給事中勳明下當封駁非他職比凡政令之乖宜除授之失當諫官
所未論
屬至公而敵朝廷莫先此者按震出使無廉介之譽立朝無端亮之
之節
神宗

退三
好進
三賢
劉華
數文
蔡確
章厚

罷

便今中外以請確與樞不罷則善長無由自立天下終不得被仁厚
之澤○丙子左正言朱光廷奏切見蔡確先帝簡拔位至宰相送終
殊不盡恭章惇素來輕易多言不以朝廷生民為慮韓績內行不修
宜令解幾任而善去司馬光宜更進之宰相以盡獻為范純仁公忠
正直願進之宰相俾與司馬光協濟庶務韓維天下之賢才宜置之
宥密退三姦於外以清百辟進三賢於內以贊萬機大年之風自茲
始矣○戊寅侍御史劉摯言蔡確自京官不十年至輔弼特以累治
大獄鍛鍊誣陷緣此以進身是以任風憲則專以護特苗役法令為
公論居廟堂則專以聚利生靈膏血為相業排斥忠良引置黨類與
章惇張璪為黨疑言路或有文字訪聞逐人各令親信於內臣中出
入探伺訪求虛實○起居舍人邢恕權發遣隨州恕嘗教高公繪上
書乞尊禮太妃為高氏異日之福太皇太后呼公繪問曰汝不識字
誰為汝作此書公繪以恕彙進既罷恕新命又繼之

宋史全文續編公世通鑑卷之十二
神宗元豐八年

程